

+



劔南詩彙目錄

卷第二十九

水村曲 石洞餉酒 病退 偶書 讀

史 飲石洞酒戲作 霜寒 賽神曲

涼州行 望夫石 江村道中書觸目

采蓮曲 兀坐頗念遊歷山水戲作 五

雜組二首 漁扉 詠史 烏棲曲 古別

離 書歎 十二月二十六夜聽雨 起

晚 陳少監餉澄清堂酒 雪中作 甲

寅元日子七十矣酒間作短歌示子古七

十 正旦後一日 立春 老境 偶懷

小益南鄭之間悵然有賦 再用前韻不

依次 北坡梅開已久一株獨不著花立

春日忽放一枝戲作 人日 夜讀呂化

光文章拋盡愛功名之句戲作 遇術士

飲以卮酒 閒趣 正月二十日晨起弄

筆 春夜讀書 春晴泛湖入城 書坐

壁 春日睡起 老病謝客或者非之

戲作 永日無一事作詩自怡 窗前作

小土山莖蘭及玉簪最後得香百合併種

之戲作 泛舟觀桃花 新闢小園

上巳小飲追憶乾道中嘗以是日病酒

畱三泉江月亭悽然有感 晚步門外散

懷 欲出遇雨 飢坐戲詠 蔬食

山亭 久不得張漢州書 春晚村居

遊雲山諸蘭若 與子坦子聿遊明覺十

四韻 淨智西窗 小僧乞詩 西窗睡

起 平水 三月二十五夜達旦不能寐

二首 園中小飲 舟中夕望 四月一日

作 舟行過梅市 山園雜賦四首 西窗

山頭鹿 夏四月渴雨恐害布種代鄉

鄰作插秧歌 雲童童行 董逃行 閔

雨二首 喜雨 初夏 村舍 鳥啼 感

舊 讀書至夜半燈盡欲睡慨然有感

遣興 農舍 四月晦日小雨 泛舟過

吉澤 書歎 五月得雨稻苗盡立 薄

醉遣懷

劍南詩彙目錄

卷二十九終

劍南詩彙卷第二十九

水村曲

山村今年晚禾旱
 奏下民租蠲太半
 水村雨足米狼戾也
 放三分慰民意
 看榜歸來迭歌舞
 某喜清平好官府
 老翁猶記軍興時
 汝輩少年那得知

石洞餉酒

忘憂自古無上策
 欲飲家貧酒盃迮
 今朝鵲喜

報遠餉未坼赤泥先動色魚長三尺催膾玉巨
蟹兩螯仍斫雪勿言地僻少過從清風明月俱
吾客驅除二豎走三彭零落眼花生耳熱陶然
酣臥聽松聲媿爾公卿足憂責

病退

病退身仍健春回日漸長神訶金鼎藥龍出玉
函方美睡三竿日安禪半篆香殘年已如許幸
復起膏肓

偶書

身放江湖遠年推里巷尊隣翁分酒子羽客借
桐孫泱泱冰消澗纖纖柳映門小車非漢相時
亦到前村

讀史

南言尊菜似羊酪北說荔枝如石榴自古論人
多類此簡編千載判悠悠

飲石洞酒戲作

酣酣霞暈力通神澹澹鵝雛色可人一○笑○破○除○
○調○酒○入○地○
垂老日滿懷搖蕩隔年春梅花的吹初破楊
此友有凌多事
柳纖纖染未勻醉倒橋邊人不怪西曹免護相
君茵

霜寒

霜重晨簷滴薪乾夜焙溫老惟便布褐病不出
柴門瓶裏梅花墮窗間鶻語暄閑人信無事午
睡到黃昏

賽神曲

擊鼓坎坎吹笙嗚嗚綠袍槐簡立老巫紅衫繡
裙舞小姑烏白燭明蠟不如鯉魚糝美出神厨
老巫前致詞小姑抱酒壺願神來享常驩娛使
我嘉穀收連車牛羊莫歸塞門閭雞鶩一母生
百雛歲歲賜粟年年蠲租蒲鞭不施園土空虛
束草作官但形模刻木爲吏無文書淳風復還
羲皇初繩亦不結況其餘神歸人散醉相扶夜

深歌舞官道隅

涼州行

涼州四面皆沙磧風吹沙平馬無迹東門侯張
接中使萬里朱宣布襖勅勅中墨色如未乾君
王心念兒郎寒當街謝恩拜舞罷萬歲聲上黃
雲端安西北庭皆郡縣四夷朝貢無征戰舊時
胡虜陷關中五丈原頭作邊面

望夫石

送君遠成交河北男兒自以身許國不能彎弓
騎惡馬欲隨君去何由得登山矯首西北雲形
容雖變心猶存月明夜夜照淚痕鐵心石腸輸
與君

江村道中書觸目

短籬曲曲對開門脩竹陰陰不見村別浦回潮
魚滬密孤舟春近雁沙溫路逢行客時交轡店
賣新醅一舉樽忽過亂山幽絕處恍如白帝到

東屯

采蓮曲

采蓮吳妹巧笑倩小舟點破煙波面雙頭折得
 欲有贈重重葉蓋羞人見女伴相邀拾翠羽歸
 棹如飛那可許傾鬟障袖不磨人遙指石帆山
 下雨

兀坐頗念遊歷山水戲作

萬里當時寄一官十年客枕不曾安鬼愁灘下

扁舟晚蛇退陂前古驛寒咎歎遠遊生雪鬢近
 緣多病學金丹功名非復衰翁事獨有江山興

未闌

鬼愁灘在安康漢江中蛇退陂在夔施兩郡之間皆畏途也然山水特奇

五雜組

五雜組山雉羽往復還江頭路不得已貴臣去

又

五雜組機上綺往復還冶遊子不得已富兒死

漁扉

初南詩集

卷之廿九

及古閣

湖上千峯翠作圍正應佳處著漁扉迂疎自計
難謀食老病誰令未拂衣萬里滄波鷗乍沒千
年華表鶴重歸一盂粟飯吾何恨自古高人有
采薇

詠史

夜雨燈前感慨深爲邦一士重千金風雲未展
康時略天地能知許國心劔忽拄頤都將相帽
曾摩耳隱山林英雄自古常如此君看隆中梁

甫吟

鳥棲曲

楚王手自格猛獸七澤三江爲苑囿城門夜開
待獵歸萬炬照空如白晝樂聲前後震百里樹
樹棲鳥盡驚起宮中美人謂將旦髮澤口脂費
千萬樂聲早莫少斷時莫怪棲鳥無穩枝

古別離

君北遊司并我南適熊湘邂逅淮陰市共飲官

道傍丈夫各有懷窮達詎可量臨別一取醉浩
歌神激揚勲業有際會風雲正蒼茫亂點劔峯
血苦寒芒屨霜死卽萬鬼鄰生當致虞唐丹雞
不須盟我非兒女腸

書歎

夜深青燈耿窗扉老翁稚子窮相依齏鹽不給
脫粟飯布褐僅有懸鶉衣偶然得肉息共飽吾
兒苦讓不忍違兒飢讀書到雞唱意雖甚壯氣
力微可憐落筆漸健快其奈瘦面無光輝布衣
儒生例骨立紈袴布兒皆瓠肥勿言學古徒自
困吾曹捨此將安歸作詩自寬亦慰汝吟罷撫
几頻歎歎

十二月二十六夜聽雨

新春尙七日小雨暗江城茆簷夜點滴已作春
雨聲輕黃上柳枝嫩綠抽菊萌造物本何心誰
主此發生頗疑重雲外斗杓已東傾老至不可

却一尊忘濁清

起晚

傍簷百舌語
惚瓏已覺新春在
眼中欲起未成
還小睡忽看初日滿窗紅

陳少監餉澄清堂酒

酣暢年來豈易逢
壘湯蜜汁亦時中
玉醅忽逐春風至
一吸懸知百榼空

雪中作

黑風卷地連三日
密雪穿簾又一回
衰病不禁天色惡
笑談誰共酒尊開
忍寒瘦馬嘶空櫪
覓食飢鴉啄廢臺
笑遣蠻童撼園竹
輟羹分火待歸來

甲寅元日子七十矣酒間作短歌示子

我咎自蜀歸百年已過半
觀棊未終局回視斧柯爛
飽知山林樂富貴何足換
退休失健決正坐閤且懦齒
髮日衰殘歲月難把玩
蕭朱尚或

隙籀湜固宜畔出門無一欣撫事有三歎新年
遂七十推敬媿里閨眷眷惓茲夕凜凜畏明旦
豁然忽大笑愁若春水泮窮達真兩忘生死付
一貫清尊旣瀲灩碩果亦璀璨擁門紛鼓笛上
壽列童冠老翁亦忘疲起舞影零亂不獨誇癡
頑自足洗患難投床判宿醒美睡到日旰

七十

七十殘年百念枯桑榆元不補東隅但存隱具

金鴉觜那夢朝衣玉鹿盧身世蚕眠將作繭形
容牛老已垂胡客來莫問先生處不釣娥江卽

鏡湖

正旦後一日

七十今年是連朝樂未休比鄰更頌禱親黨共
遲畱羊映紅纏酒花簪絳帕頭從今日有喜農

事起西疇

絳帕頭蓋以絳帛飾巾幘之類

立春

採花枝上寶旛新看遍秦山楚水春村舍不知
時節換傍檐百舌苦撩人

老境

髮白未及童齒搖未及脫正如一席飲燒燭將
見跋谿山環草舍霜露侵布褐文章雖自力亦
已強弩末寧將垂老耳更受世事聒匡廬入我
夢行已寄瓶鉢

偶懷小益南鄭之間悵然有賦

西戍梁州鬢未絲嶓山漾水幾題詩劔分蒼石

高皇迹

蟠冢廟傍有高皇
試劔石中分如截

巖擁朱門老子祠

三泉

道上有老君
洞景趣幽邃

燒兔驛亭微雪夜騎驢棧路早梅

時登臨不用頻悽斷未死安知無後期

再用前韻不依次

憶昨從戎丞相府元榆書檄仲宣詩雲屯騎士
臨邊日魚貫降胡獻捷時史冊誤人悲壯志關
河回首負初期豈知二紀身猶在衰鬢星星老

侍祠

北坡梅開已久一株獨不著花立春日忽
放一枝戲作

日日來尋坡上梅枯槎忽見一枝開廣寒宮裏
長生藥醫得冰魂雪魄回

人曰

新歲逢人日老夫持道齋斷冰浮野水微綠發

枯芟霽景豐年象

今年元日至人日皆晴

閒吟曠士懷春

旛已陳迹鬪巧笑吳娃

前一日立春

夜讀呂化光文章拋盡愛功名之句戲作

玉關西望氣橫秋肯信功名不自由却是文章
差得力至今知有呂衡州

遇術士飲以卮酒

行藥來村北觀魚立水邊忽逢長揖客能算小
行年酒薄聊頰頰囊空闕贈錢時清君未死訪
我華山前

閒趣

老子卽今雙白鬢鏡湖自古幾青山半窗蘿月
 獨欹枕滿院松風常掩關天地許寬誰礙汝琴
 尊是處可開顏將行亦莫買春草幸有一筇相
 伴閒

正月二十日晨起弄筆

深院窗扉曉色遲新愁宿醉兩參差雨聲欲與
 夢相入春意不隨人共衰零落殘梅臨小約縱
 橫野水赴清池物華撩我緣何事似恐新年漸
 廢詩

春夜讀書

枉是儒冠遇太平窮人那許共功名枯腸不飽
 三升稷皓首猶親二尺檠寓世已爲當去客愛
 書更付未來生夜闌撫几愁無奈起視離離斗
 柄傾

春晴泛湖入城

春色初回杜若洲，隔煙時見矯輕鷗。
嵩雲緱月年年夢，楚柁吳樯處處愁。
魚躍銀刀論網買，酒傾綠蟻滿盃浮。
前生杜牧吾身是，又向江南遍倚樓。

書叅壁

老病人扶氣力微，闌干西角立斜暉。
流年冉冉功名誤，新冢纍纍故舊稀。
仗馬曾鳴宜永棄，牧羝雖乳敢言歸。
住菴活計無多子，只要筇枝與

衲衣

又

落魄人間不記年，晚營茆棟鏡湖邊。
室空惟是四壁立，面瘦漸生雙頰顴。
地僻門無殘客到，歲豐路有醉人眠。
君看朝市紅塵鬧，始信吾曹是地仙。

春日睡起

睡起悠然弄衲琴，銅猊半燼海南沉。
淒涼故里

逢春處忠憤孤臣許國心水滿鳧鷖初拍拍雨
餘花木已陰陰吾兒捩拖淮邊未歸近清愁轉

不禁

子虞書報二月離古壽

老病謝客或者非之戲作

病侵腰膂兩經秋欲下繩床不自由客至難令
三握髮佛來僅可小低頭安禪還我閒蒙衲怒
氣從渠勇挾輶亦欲署門還嬾去死生貴賤本
悠悠

永日無一事作詩自詒

目昏罷觀書足蹇停遊山二事差可樂造物乃
復慳得非閔我老作意鑄其頑埽除盡宿習使
得終日閒閒亦何負汝剡曲茆三間奇石玩犖
角清流聽淙潺勿言村醪薄數酌可解顏翛然
日已夕臥看飛鳥還

窗前作小土山莚蘭及玉簪最後得香百
合併種之戲作

方蘭移取徧中林餘地何妨種玉簪更乞兩叢
香百合老翁七十尚童心

泛舟觀桃花

花徑二月桃花發霞照波心錦裏山說與東風

直須惜莫吹一片落人間花徑桃花最盛處

又

桃源只在鏡湖中影落清波十里紅自別西川

海棠後初將爛醉畲春風自梅仙塢至花涇恰十里

又

種桃亦解比封君世故紛紛寂不聞九轉金丹

應已熟全家仙去隱紅雲

又

湖南小山花更多不醉將如春色何釣得鮮鱗

堪斫膾任教微雨溼漁蓑湖南山名在柯山之南

又

鄰曲一生花裏活村翁疑是古遺民初來自被

春畱住枉道當時爲避秦

新闢小園

人生如意每難全
草草園池却自然
世事已拋高枕外
春風常在短筇前
墮空花片紛紅雨
徧地苔痕長綠錢
酒戶漸增詩興在
天容此老剩狂顛

又

西戍歸來鬢已霜
生兒又過乃翁長
眼明身健

殘年足飯軟茶甘
萬事忘學廢僅能書
姓字客來嬾復倒衣
裳山園寂寂春將晚
酷愛幽花似蜜香

又

席地幕天君勿嘲
隨宜野蔌與山肴
幽花避日藏深葉
歸燕尋人理舊巢
曲水詠觴空念咎
斜川鄰曲自論交
清貧尙媿茶山在
送老湖邊有

把茆

曾文清至歿常寓僧舍

新展山園半畝強笑人車馬出籠坊山禽乍暝
慇懃語野蘼無風自在香點點水紋迎細雨疎
疎籬影界斜陽出門遙向鄰翁說釋耒相從共
一觴

又

東軒嫩日上疏櫺吹盡浮雲作意晴林暝牆頭
雙鶴語水清池面小魚行畦添藥品誰能別架
引藤陰忽已成倚杖怡然便終日老夫那復不

平鳴

又

祠祿縻人未棄官春深幽國有餘歡筍生遮道
妨行藥果熟團枝礙整冠煮酒拆泥初灑灑生
綃裁扇又團團退飛風際由來事莫羨青霄刷
羽翰

上巳小飲追憶乾道中嘗以是日病酒畱
三泉江月亭悽然有感

零落殘花一兩枝綠陰庭院燕差池隔牆笑語
鞦韆散惆悵三泉驛裏時元微之詩三泉驛內逢上巳

晚步門外散懷

大千沙界一浮漚成壞元知不自由寓迹箇中
誰耐久問君底事不歸休春陂欲雨黃鴉鬧晚
渡無人白犢浮七十之年何處足戲憑藥物小
遲畱

又

萬化紛紛本一機不為腐骨欲安歸彭殤共盡
孰脩短堯桀兩忘無是非濡首極知當痛飲翦
翎那復許羣飛江郊未解春寒惡高柳吹花又
滿衣

欲出遇雨

東風吹雨惱遊人滿路新泥換細塵花睡柳眠
春自嬾誰知我更嬾於春

飢坐戲詠

初有詩集

卷之廿九

及古

衰鬢蕭然滿鏡霜一菴歸老鏡湖傍有懷每恨
交朋遠無食方知日月長落筆未妨詩衮衮閉
門猶喜氣揚揚晚來袖手蒲團穩笑喚兒童代
夜香

蔬食

今年徹底貧不復具一肉日高對空案腸鳴轉
車軸春薺忽已花老筍欲成竹平生飯蔬食至
此亦不足孰知讀書却少進忍飢對客談堯舜
但令此道麓有傳深山餓死吾何恨

山亭

風惡闌回雨天寒勒住花尋幽扶柳栗息倦倚
槎牙分韻僧吟苦爭棊客笑譁相逢仍草草歸
路竝山斜

久不得張漢州書

儘道三巴遠那無一紙書衰遲自難記不是故
人疎

春晚村居

一事元無可得忙悠然半醉倚胡牀牡丹枝上
 青春老燕子聲中白日長身世已如風六鷁文
 章仍似閨黃楊太平有象無人識南陌東阡擣
 麩香

遊雲山諸蘭若

花過木陰合溪雲生暮涼牛行響白水鷺下點
 青秧古寺宛如笱穉松森已行道傍松及三十年則僧輒伐去

復種小者予自幼歲至今已見三種矣

耆年不下榻童子為燒香

與子坦子聿遊明覺十四韻

我自何山來覓路占樓鐘聯翩兩葛巾跌宕一
 短筇深谷已曛黑夕陽猶半峯堂中千歲師磊
 砢如古松殘僧三四輩斗粟各自春長廊久寂
 寞香火亦闕供頗聞在世時一鉢制惡龍時時
 出雷雨百里常年豐宿緣忽云盡獻供無春農
 饒身晨攬飯飢鼠夜穿墉而況我輩人生世本

不逢胡不安汝分終年抗塵客靜觀興廢事可
洗芥蒂胸一笑下山去村塢煙重重

淨智西窗

一窗新綠愜幽情袖手哦詩取次成牆外蜜蜂
來又去可憐終日太忙生

小僧乞詩

風前掩苒草吹香溪上霏微雨送涼萬里安西
無夢到却尋僧話破年光

西窗睡起

老便寂寂厭紛紛俗得禪房臥看雲夜宴怕逢
觥錄事秋山傭伴獵將軍餘年敢望十寒暑夙
習正須三沐黨斜日滿窗誰喚起數聲啼鳥隔
溪聞

平水

旅飯風埃小市傍却呼拄杖踏斜陽可憐陌上
離離草一種逢春各短長

三月二十五夜達旦不能寐

愁眼已無寐更堪衰病嬰蕭蕭窗竹影磔磔水禽聲捶楚民方急煙塵虜未平一身那敢計雪涕爲時傾

又

憂國心常折觀書眼欲枯百年終坎壈一飯且枝梧忽忽殘春過迢迢清夜徂壯心空萬里老病要人扶

園中小飲

此老胸中萬頃寬小園幽徑日追歡寧教酒欠尋常債耻就人求本分官高柳陰濃煙欲暝叢花紅溼露初溥

時月桂方盛開

要知澤國年光晚已過

清明尚淺寒

舟中夕望

船掠湖堤不入城葛巾羽扇試春行女牆迤邐橫輕靄佛閣崢嶸倚晚晴樹冒藤花堆故繡風

金剛經言
三十二
吹鷲語送新聲細息造物何由報遣作閒人過
此生

四月一日作

桃李逢春次第開坐看零落付蒼苔壓車麥穗
黃雲重食葉蚕聲白雨來鏡裏頓驚年事速天
邊誰挽斗杓回可憐團扇塵侵損又見生綃月
樣裁

舟行過梅市

新換單衣細葛輕翛然隨處得閒行綠陰浦口
維舟處霽日場中打麥聲醉叟臥途知酒賤耕
農滿野喜時平老來無復離龍息遇興新詩取
次成

山園雜賦

初夏未覺暑微陰殊勝晴藤冠稱新沐尊菜解
餘醒偶據盤陀坐還扶柳栗行平生志助紫今
日一毫輕

又

藤陰初覆架菱蔓漸穿萍水繞籬根綠山從樹
罅青長辭帝所夢不媿草堂靈賴有黃醅法終
年任醉醒

又

一日老一日一年貧一年元無肉食相且作地
行仙本不營三窟何須直一錢村虛櫻筍開剗
放醉中顛

又

芳荃真妙士霜菊亦奇才邂逅心生敬慙懃手
自培扶持新長桂護惜欲殘梅此意何人解頽
然付酒盃

西窗

西窗偏受夕陽明好事能來慰此情看畫客無
寒具手論書僧有折釵評薑宜山茗畱閒啜豉
下湖蓴喜共烹酒彀朱門非我事諸君小住聽

松聲

山頭鹿

呦呦山頭鹿毛角自媚好渴飲澗底泉飢齧林
間草漢家方和親將軍灞陵老天寒弓力勁木
落霜氣早短衣日馳射逐鹿應弦倒金槃犀筋
命有繫翠壁蒼崖迹如埽何時詔下北擊胡却
起將軍遠征討泉甘草茂上林中使我母子常
相保

夏四月渴雨恐害布種代鄉鄰作插秧歌
浸種二月初插秧四月中小舟載秧把往來疾
於鴻吳鹽雪花白村酒粥面濃長歌相贈畬宛
轉含幽風日暮飛漿歸小市鼓鼙鼙起居問尊
老勤儉教兒童何人采此謠爲我告相公不必
賜民租但願常年豐

雲童童行

雲童童挾雨來雨未濡土雲已開不能爲人歛

浮埃山南山北空聞雷青秧欲槁吁可哀

董逃行

讀古樂府擬作

漢末盜賊如牛毛干戈萬槩更相鏖兩都宮殿
摩雲高坐見霜露生蓬蒿渠魁赫赫起臨洮僵
屍自照臍中膏危難繼作如崩濤王朝荒穢誰
復薊踰城散走墜空壕扶老將幼山中號咷者
羣狂根株牢衆憤不能損秋豪誰知此亂亦不
遭名雖放斥實遁逃平民踏死聲磔磔今茲受

禍乃我曹

閔雨

黃沙白霧晝常昏嗣歲豐凶詎易論寂寂不聞
秧鼓動啞啞實厭水車翻粟困久盡無遺粒淚
席嘗沾有舊痕聞道憂民又傳詔蒼生何以報

君恩

有詔禱雨天竺山

又

赤日黃塵江上村徵租惟有吏過門微風敢喜

北窗臥大旱恐非東海寬千載傳巖疑可致一篇
洪範向誰論青蔬半畝垂生死且喚鄰翁共
灌園

喜雨

楚巫犇走畏天慳變化寧知轉眄間初夜電光
搖北斗父老以北斗下有電候雨平明雲氣冒南山坐令沃
野新秧遍已覺豐年舊觀還白頭老農愁破處
夢回高枕聽潺潺

初夏

已作梅黃雨猶餘麥秀寒穿林紅練帶拔地碧
琅玕洒向愁邊薄衣從病後寬所欣消渴減乳
酪正甘酸

村舍

門巷桑麻暗庖厨筍豉香僮奴課鉏菜婢子學
燒糠貧任青春過閒知白日長非關愛疎懶無
事可成忙

鳥啼

野人無曆日鳥啼知四時二月聞子規春畊不
 可遲三月聞黃鸝幼婦閔蚕飢四月鳴布穀家
 家蚕上簇五月鳴鴉舅苗稚憂草茂人言農家
 苦望晴復望雨樂處誰得知生不識官府葛衫
 麥飢有即休湖橋小市酒如油夜夜扶歸常爛
 醉不怕行逢灞陵尉

感舊

廢隴荒陂浥浥畊生無勛業死無名衰頹日甚
 君休問三十年前白髮生

紹興壬午予年三十
 八與查元章王嘉叟

同出垂拱殿門二君指予問日子亦
 有白髮耶相與太息今三十二年矣

讀書至夜半燈盡欲睡慨然有感

白髮蕭蕭老空谷人歎厄窮心自足東郊曉射
 墮錦雉北嶺春畊叱黃犢區區世事何足論未
 死斷知常閉門關河好在萬里路理亂不至三
 家村夜分燈暗月入戶賦詩肯道儒冠誤飢鷹

勁翮高有聲橫截陂湖正南去

遣興

壯歲元多病長年敢自期賤貧交易絕憂患夢
常悲續食叨微祿寬心賴小兒平生鏡湖上天
乞小茆茨

農舍

農舍雖云苦君恩詎可忘繭稠初滿簇麥熟已
登場渺渺開村路登登築野塘但須時雨足擊

壤詠時康

四月晦日小雨

霏霏亂點暗朝光蔌蔌奇聲渡野塘一浦未輸
新漲綠四郊聊壓旱塵黃風生團扇清無暑衣
覆黛籠潤有香竹屋茆簷得奇趣不須殿閣詠
微涼

泛舟過吉澤

蕭蕭菰蒲如荻林五月已覺秋意深煙波滅沒

有漁艇浦溆飛鳴多水禽稽山出雲極奇變陸
 子岸憤方微吟一聲菱唱起何許洗盡萬里功
 名心

書歎

高廟衣冠月出遊中原父老淚交流諸公誰効
 回天力散吏空懷恤緯憂雨細漁菴晨舉網月
 明畊隴夜驅牛神州克復知何日北望飛蓬萬
 里秋

五月得雨稻苗盡立

城郭迎龍鼓吹喧甘膏三夕慰黎元草荒常日
 經行路水到前村舊漲痕黃犢盡畊稀曠土綠
 苗無際接旁村家家足食山無盜安枕何勞夜
 閉門

薄醉遣懷

跼踖蝸廬迳蕭條鶴髮新途窮貧入夢身老病
 欺人帶索忘三組羹藜抵八珍蓬窗一盃酒自

覺膽輪困

劍南詩彙卷第二十九

劍南詩彙目錄

卷第三十

五月十一日夜坐達旦

題陽關圖

暑書事

時雨

示客

南堂默坐

夏

日小酌

夏夜

二首

看鏡

二首

明妃曲

思遠遊

太息

六月二十六日夜夢

赴季長招飲

夜分不寐起坐園中至旦

露坐

晨起

散步東邨

早秋

四首

七月二十一日午睡夢泛江風濤甚壯覺

而有賦 幽居戲贈鄰曲 遣興首二 步

至湖上寓小舟還舍首五 送王仲言倅泰

州絕句首二 醉中作 秋夜書感 八月

三日驟涼有感 南堂與兒輩夜坐 泛

舟至魯墟 園蔬薦村酒戲作 雨夕排

悶首二 雨中作 讀易 郊行夜歸有感

醉歌 買酒 秋雨歎 憂國 夜意

大風雨中作 題叅壁首二 窮途 貧

病 秋晚首四 山村書所見首二 三年前

嘗與兒輩步過東涇小嶺得勝處可營別

墅貧不能成偶復至其地悵然有感 園

中秋夕 秋晴每至園中輒抵算戲示兒

子 醉睡初覺偶作 汪茂南提舉挽詞

首二 謝徐居厚汪叔潛攜酒見訪 喜鄭

唐老相過 秋晚散步門外 寄徐秀才

斯遠并呈莊賢良器之
閒中寄秋霽

晨起
筇篻謠二首寄李長少卿
悶極

有作
自詠
夢范參政
乞奉祠未報

食且不繼
山寺
大師魏國史公挽歌

詞首五
三峽歌首九
至十月三日泛舟湖中

作
早行
晚泊
遣懷
舟行戲書

山林書
三平前

劔南詩彙目錄卷三
十終

劔南詩彙卷第三十

五月十一日夜坐達旦

莫笑耽書不計年
寒儒業定幾生前
讀經今日

韋編絕作賦
當時鐵硯穿
公路晚悲身
至此令

威歸歎塚纍然
三更聽雨蓬窗底
又作鰥魚夜

不眠

題陽關圖
山河未斷時
對壘部一十
處然只

誰畫陽關贈別詩
斷腸如在渭橋時
荒城孤驛

劔南詩彙

卷之三十一

及古閣

夢千里遠水斜陽天四垂青史功名常蹭蹬白
頭襟抱足乖離山河未復胡塵暗一寸孤愁只
自知

新暑書事

城中五月汗霑衣吾愛吾廬喜氣微珍簞含風
來遠餉輕羅疊雪出鳴機艾人當戶佳時過筒
黍堆盤舊俗非漫欲題詩還嬾去老來百事與

心違

去歲葉正則餉斲簞得以禦暑今年
年蚕事僅得五六分遂辦暑服

時雨

時雨及芒種四野皆插秧家家麥飯美處處菱
歌長老我成情農永日付竹床衰髮短不櫛愛
此一雨涼庭木集奇聲架藤發幽香鸞衣溼不
去勸我持一觴卽今幸無事際海皆農桑野老
固不窮擊壤歌虞唐

示客

桑柘成陰百草香縑車聲裏午風涼客來莫說

人間事且共山林夏日長
南堂默坐

日日樹頭鴨鵝鳴
夜夜谿邊姑惡聲
堂中老子獨無語
寂然似可終吾生
大鵬一舉九萬程
下視海內徒營營
秋蟲春鳥非我類
何至伴渠鳴不平

夏日重四理
燕子生雛梅子黃
斷雲殘雨過林塘
孤舟正作

簞簞夢九陌
難隨襍穢忙
團扇興來閒
弄筆寒泉漱
罷獨焚香
太平處處薰風好
不獨宮中慶日長

小酌
白髮蕭然海上村
猶能草草置清樽
今年項里楊梅熟
綠李來禽不足言

夏夜

露溼芙蓉冷
月明簷蔔香
殘醉吹欲無
颼颼髮

根涼豈惟棄世事形影亦相忘空憶南山下新
秋射虎場

又

我筇在南鄭夜過東駱谷平川月如霜萬馬皆
露宿息從六月師關輔談笑復那知二十年秋
風枯首藋

看鏡

凋盡朱顏白盡頭神仙富貴兩悠悠胡塵遮斷

陽關路空聽琵琶奏石州

又

七十衰翁臥故山鏡中無復舊朱顏一聯輕甲

流塵積不爲君王戍玉關

馬正惠公喜功名每
日幸未甚衰若有邊

警願預征行得良馬
數足輕甲一聯足矣

明妃曲

漢家和親成故事萬里風塵妾何辜掖庭終有
一人行敢道君王棄顛顛雙駝駕車夷樂悲公

卿誰悟和戎非蒲桃宮中顏色慘雞鹿塞外行人稀沙磧茫茫天四圍一片雲生雪卽飛太古以來無寸草俗問春從何處歸

思遠遊

我志日已衰詩亦無傑句正如隨翅鶴悵望遼海路雖云須藥物幸未迫霜露裂裳裹兩踵此詩亦已屢嗟峨青城雲慘淡蟠冢樹秋風吹短裘萬里入芒履

太息

太息重太息吾生誰與歸那知算景迫但覺故人稀○避○既○歸○猶○困○憂○讒○默○亦○非○今○年○貧○徹○底○擬○賣○舊○漁○磯

六月二十六日夜夢赴季長招飲

少城駿馬逐春風二十年間萬事空清夢都忘雙鬢改繡筵還喜一尊同烏巾掩冉簪萼重羯鼓敲鏗列炬紅安得此歡真入眼碧油幢擁王

人翁

夜分不寐起坐園中至旦

涼氣蘇衰疾幽情入杖藜
月驚孤鶴起天帶衆星西
松菊今彭澤山川古會稽
清吟殊未愜喔喔已晨雞

露坐

此手乃可憐經月不把酒
著書又苦晚何以圖不朽
空庭坐三夏磊落垂北斗
向來歷關河萬里空回首
豈知三十年竟作越中叟
後生雖滿眼非復舊交友
形體迫衰謝妻子亦何有
悵望懷古人吞聲死農畝

晨起

心安已到無心處病去渾如未病前
晨起更知秋色好一庭風露聽鳴蟬

散步東邨

偶從北嶠繚東崗曳杖行歌踏夕陽
一徑入雲

多鹿跡數家臨水共漁梁
埜風蕭瑟知穉早社
酒淋漓喜歲穰鄰曲不須憐
老憊尚能尋句畚
年光

早秋

涼颼淅淅撼庭柯
微雨蕭蕭集浦荷
艸閣檐虛
覺山近蓬窗地
迳得香多謀身自拙窮無鬼
閉
戶長閒睡有魔
臺省諸公盛冠劔
固應老子得
婆娑

又

秋入房櫳夜漸長
紗厨笛簟怯新涼
螢光得意
穿簾隙桐葉知時拂
井牀
世事本來誰得鹿
人
生何處不忘羊
燈前笑向吾兒說
又過銅匱半
篆香

又

落魄巴江號放翁
斯名歲晚亦成空
酒醒遙夜
孤舟雨睡美
清秋一榻風駭浪
千重無死地
神

丹九轉有新功。雲端不遇飛仙過。誰顧幽人寂
莫中。

又

貂裘塵土憶東周。瓜隴風霜隱故侯。嬾似老雞
頻失旦。衰如蠹葉早知秋。壺觴非復平生友。歲
月空添客子愁。病起筆端猶健在。未妨揮灑賦
登樓。

七月二十一日午睡夢泛江風濤甚壯覺

而有賦

夢中不記適何邦。風飽蒲颿入大江。久矣眼中
無此快。蹴天雪浪濺船窗。

幽居戲贈鄰曲

算年遠屏天所俗。落佩倒冠如得謝。雖無壺酒
助歌呼。幸有蠹書供枕藉。市聲不聞耳差靜。車
轍埽空身轉暇。雨慳葵葉未吐甲。露重榴房初
坼罅。淡紅菱角密覆水。爛紫蒲桃重垂架。直令

掩關避世俗未害煎茶喚鄰舍
蕭蕭雞犬衡門晚寂寂燈火幽
窗夜勸君切勿縱高談性命如
絲不禁嚇

遣興

失馬真成福移山未必愚
故園三徑廢餘俸一錢無
望道心常渴觀書眼欲枯
宦遊歸自好不必為尊鱸

又

療飢惟恃粥動步已須人
欲午猶支枕經旬不
過鄰鵲棲寒自穩鷗沒
遠難馴莫笑謀身拙
黃冠學季真

步至湖上寓小舟還舍

淒涼懷古地慘澹算秋天
紅樹秦馳道青山禹廟
墟湖風飄斷角墟日起
孤煙老恨功名晚無
人共著鞭

又

山居苦無事攜稚出門行
酒賤逢人醉農閒到處耕
巷牛聽晚笛池鶩唼枯萍
東望生秋興樓臺壓繚城

又

病墮支離境閒尋漫浪遊
湖平天鏡曉山峭石帆秋
賒酒家家許看花處處畱
歸途倦扶杖却上釣魚舟

又

萬壑爭流地身閒得縱觀
未能容蟹舍聊得寄漁竿
遠浦樵風急空山窅石寒
踟躕不知晚磔磔有歸翰

又

細浪隨搖櫂新涼入岸巾
斷行初到雁空檐算婦人
漫道貧非病誰知嬾是真
疎鐘起詩思迢遞度煙津

送王仲言倅泰州絕句

汝陰太史萬籀藏酸棗先生六世芳豹尾屬車

畱不住却尋陳迹海陵倉晁景迂與先太史有海陵酬唱

又

紫薇傑作傳千載物色分畱待下車老病難陪

曳裾客因來時寄一行書劉貢甫嘗為泰倅

醉中作

舴艋為家雲作友流年盡付樽中酒清歎穿林

鸞鳳吟草書落紙龍蛇走人間無復王景略千

載風雲常寂寞安得熊羆十萬師蹴踏幽并洗

河洛河洛

秋夜書感

闌干斗插西慘淡河絡角開歲財屬爾草木忽

搖落平生歷畏塗赤手犯蛟鱓幸收垂盡日歸

臥一丘壑鄉鄰怪此老骯髒尚如昨使無湖海

寬朝市何處著諸公方袞袞一士要諤諤謀食

古所羞終身美藜藿

八月三日驟涼有感

殘暑侵人畏汗霑
清秋乍見月纖纖
自燒熟火添香獸
旋把寒泉注硯蟾
佳客誤占螢入戶
遠書空喜鵲鳴簷
悠然獨對清燈臥
誰念柴門老病兼

俗以螢飛入室為有客至之兆

南堂與兒輩夜坐

殘暑初歸肺病蘇
胡床清夜集前除
風高木葉危將脫
月上天河淡欲無
鵲影繞枝棲未穩
荷盤擎露重相扶
淒然又起流年感
兩鬢如蓬日夜枯

泛舟至魯墟

南蕩東坡弄夕霏
葛巾鷗髦試秋衣
纖纖新月迎船出
兩兩珍禽背水飛
病息漸蘇開酒戒
宦情已絕謝塵鞿
郊居是處堪樂與
不怕城笳苦喚歸

園蔬薦村酒戲作

身入今年老囊從早歲空元無擊鮮事常作啜
醜翁菹有秋菰白羹惟野苒紅何人萬錢筋一
笑對西風

雨夕排悶

買牛耕剡曲舉世笑迂疎流落愈憂國衰殘猶
讀書滔滔安稅駕耿耿獨愁余破屋秋多雨情
懷用底攄

又

煙雨暗郊墟頽然臥草廬蟲喧夢回枕燈伴讀
殘書短褐頻關念荒畦久廢鋤夏堪湖水漲累

日食無魚

湖水泛則魚不可捕

雨中作

社瓮醅香燕子歸陰風吹雨暗郊扉疏溝園叟
方攜鍾采藥蠻童已溼衣山雉尾垂衝靄去水
雞翅重蹋波飛憑闌一笑君知否肺渴秋來勢
漸微

讀易

揖遜干戈兩不知巢居穴處各熙熙無端鑿破
乾坤祕禍始羲皇一畫時

郊行夜歸有感

小市歌呼散幽人悄獨行斷鴻沙際冷重露草
根明信古癡常絕酬恩命本輕還家掩屏臥衰
涕浩縱橫

醉歌

三十六策醉特奇竹林諸公端可師秋風蕭蕭
吹鬢絲蟹螯正可左手持醉倒村落兒扶歸瞠
眼不識問是誰浩歌起舞夜何其井斗磊落明
河移貴人惜醉渠自癡黃金絡馬誇市兒一朝
禍來莫支持新州如山不可移
買酒買酒買酒買酒買酒買酒買酒買酒買酒買酒
放翁病起不禁愁買酒看山自獻酬八月吳中
未搖落誰令衰鬢早知秋

宋謝秋雨歎

淙淙雨聲瀉高秋稻梁浸爛雨不休志士仁人
萬行淚孤臣孽子無窮憂一身窮困未暇恤如
此無事理有不聖言古訓舉不驗簡編可用汗
馬牛嗚呼有粟吾得食夜睡何時得安席我生
猶及宣和年建炎以來身所歷高皇一言感天
地盜賊千羣掃無迹疽囊雖慘固可醫誰爲聖
代施鍼石

憂國

恩許還山已六年誓憑耕稼餞華顛養心雖若
冰將什憂國猶虞火未然議論孰能忘忌諱人
材正要越拘攣羣公亦采芻蕘否貞觀開元在
目前

夜意

居家元是客在俗亦如僧點滴檐間雨青熒帳
外燈壯心終蹭蹬去日捷飛騰不及寒沙雁來

時下杜陵
去日對張翥不與寒心

大風雨中作
甲寅八月二十三日夜

風如拔山怒雨如決河傾屋漏不可支窗戶俱
有聲烏鴛墮地死雞犬噤不鳴老病無避處起
坐徒歎驚三年稼如雲一旦敗垂成夫豈或使
之憂乃及躬耕鄰曲無人色婦子淚縱橫且抽
架上書洪範推五行

題空壁

閉門無事不勝閒心境超然一室寬香岫火深
生細靄硯池風過起微瀾睡餘但欲依書几坐
久還思弄釣竿擾擾平生底事鏡湖歸隱老
黃冠

又

手斲雲根結草廬平生心事滿無餘二升菰米
晨炊飯一椀松燈夜讀書天理直須閒處看人
謀常向巧中疎煙波有趣君知否裂網伸釣也

得魚向水中來豈知魚味苦
得魚向口中來豈知魚味苦
得魚向腹中來豈知魚味苦

景太窮途
景太窮途
景太窮途

窮途多感慨老境少知聞
窮途多感慨老境少知聞
窮途多感慨老境少知聞

策勲全軀希碌碌埽軌厭紛紛
策勲全軀希碌碌埽軌厭紛紛
策勲全軀希碌碌埽軌厭紛紛

童念致君
先友傳公給事算年髮禿每酒酣脫幘覽鏡歎曰吾其已乎

貧病
貧病

行年七十尚攜鉏貧悴還如白紵
行年七十尚攜鉏貧悴還如白紵
行年七十尚攜鉏貧悴還如白紵

勤送米過門谿友強畱魚客來
勤送米過門谿友強畱魚客來
勤送米過門谿友強畱魚客來

起閒抽架上書要信榮枯元不動
起閒抽架上書要信榮枯元不動
起閒抽架上書要信榮枯元不動

空虛
空虛

秋晚
秋晚

春粳入甑香炊玉壓酒鳴槽滴碎珠
春粳入甑香炊玉壓酒鳴槽滴碎珠
春粳入甑香炊玉壓酒鳴槽滴碎珠

漫豪侈山家風味定應無
漫豪侈山家風味定應無
漫豪侈山家風味定應無

豈不又
豈不又

新築場如鏡面平家家歡喜賀秋成
新築場如鏡面平家家歡喜賀秋成
新築場如鏡面平家家歡喜賀秋成

慚了壯美睡中聞打稻聲
慚了壯美睡中聞打稻聲
慚了壯美睡中聞打稻聲

秋菰出水白於玉寒薺繞牆甘若飴正是長冬
豈不可凜然大節固難移

又山寒風未定

竹竿坡面老別駕飯顆山頭瘦拾遺自古詩人
例如此放翁窮死未須悲

山村書所見

老枳垂藤晝常黑雛鷹聲作嬰兒啼伐薪歸來

遇急雨石路下山如踏梯

又

荒坡茫茫牧牛童扳角上背捷如風腰間一枝
搯枯竹橫吹短笛過村東

三年前與兒輩步過東涇小嶺得勝處可

營別墅貧不能成偶復至其地悵然有感

前年度嶺踏斜陽曾卜松陰置草堂只倚氣吞
雲夢澤竟無錢買雪堆莊煙脂菱角空頻摘火

齊楊梅已再嘗事不如心居十九往來常羨捕

魚郎

山多楊梅有合抱者
下臨鏡湖皆菱蕩

園中秋夕

季秋哉生明風露正淒冷放翁澹無事樂此清
夜永饑鷹棲不穩勁翅起東嶺湖邊千樹柳何
處寄幽影人生寓宇內俯仰一炊頃此心無媿
負簞食均五鼎許身輩稷禹終亦輸箕穎天風
倘可乘采蓮登玉井

秋晴每至園中輒抵算戲示兒子

老翁七十如童兒置書不觀事遊嬉園中壘瓦
強名墦庭下埋盆聊作池青蒲紅蓼芙蓉掩映病
棕瘦竹相扶持衰頽已作老驥臥來往尚如黃
犢馳但知身存百無害莫問老健能幾時汝勤
挾策乃堪笑且共飯豆羹秋葵

醉睡初覺偶作

小圃醒還醉幽窗起復眠虛明炷香地清潤斷

花天老去才雖盡窮來志益堅阿瞞那可語平
日笑橋玄

汪茂南提舉挽詞

學已三冬富書猶萬卷藏名場雖蹭蹬朝論極
揄揚小試衿襦詠遂辭鷓鴣行秋風九原路挽
鐸倍淒涼

又

往者紹興末江淮聞戰聲上流煩舊德下客辱

深知陳迹成今古追懷每涕洟郎君雖不識撫

事亦增悲

先相公督師荆襄游首蒙招
致幕府會畱樞屬不克行

謝徐居厚汪叔潛攜酒見訪

我雖生亂離猶及見前輩衣冠方南犇方獻往
往在幸僕埽灑役迹忝諸生內語言猶在耳造
次敢不佩殘年趨死近孤學與時背妄出更何
求終老事耕耒史君稽古學力大障橫潰廣文
亦偉士名字震當代同舟肯過我凜與前脩配

憂時抱忠鯁論事極慷慨嗟予雖益衰耳目幸
未廢何當卜鄰牆早暮聆警欬

喜鄭唐老相過

鄭子有書癖對書百事忘頭亂不暇櫛鬻冷不
暇嘗持此金石心力求古文章吟哦屈宋作蚤
夜聲琅琅方揮却日戈恥窺及肩牆不見今六
年所得非復常扁舟夜過我劇論神激揚徐出
二三篇稊米於大倉已足起衰懦黑絲生鬢霜

使得盡見之殆可鍼膏肓願子繼自今勿惜傾
錦囊因來數爲寄歲晚慰所望

秋晚散步門外

栗里歸栽菊青門隱賣瓜羸軀病天色衰鬢怯
年華野曠鳥聲樂溪清雁影斜門前秋潦退也

擬築堤沙

潦水壞道數丈方與鄰曲共修之

寄徐秀才斯遠并呈莊賢良器之

徐子作別十年餘無人可寄一紙書閉門美睡

畏剝啄自怪一念常關渠西風蕭蕭吹槁葉秋
光正滿蝸牛廬讀書易倦出無友撫几愴恍空
愁予蜀莊之孫住南郭亦復迹遠非情疎何時
同載過老子共飯赤米羹青蔬

東里閒中

閒中高趣傲羲皇身臥維摩示病床活眼硯凹
空墨色長毫甌小聚茶香門無客至惟風月案
有書存但老莊問我東歸今幾日坐看庭樹六

番黃

秋霽

驅除雲霧極知難敢意天公不作慳汛掃中庭
待明月攀躋危榭望青山取琴理曲茶煙畔看
鶴梳翎竹影間不爲新晴宜著句擬將幽事破
除閒

晨起

晨起梳頭拂面絲行年七十豈前期此生猶著

幾兩屐長日惟消一局碁空釜生魚忍貧慣閒
門羅雀與秋宜區區名義真當勉正是先師戒
得時

筌篚謠二首寄季長少卿

庭樹非不榮霜實萬葉枯朋友豈我棄漸遠勢
自疎中夜起太息發篋覓舊書塵昏蠹蝕損行
缺字欲無一讀色已變再讀涕淚濡卷書置篋
中寧使飽蠹魚

又情真語切足与沈休文別范安成詩並傳

少壯離別時回顧日月長會合終有期何恨天
一方我齒如敗屐君髮如新霜餘日復幾何萬
里遙相望欲泣老無淚欲夢不可常寄書何時
到江漢春茫茫

悶極有作

貴已不如賤狂應又勝癡新寒壓酒夜微雨種
花時堂下藤成架門邊枳作籬老人無日課有

興卽題詩

自詠

常記當年入洛初
華燈百萬擲樗蒲
平生意薄刀筆吏
投老身為山澤臞
已罷向空書咄咄
尚能擊缶和嗚嗚
今朝客至無尋處
正伴園丁斲芋區

夢范參政

夢中不知何歲月
長亭慘淡天飛雪
酒肉如山鼓吹喧
車馬結束有行色
我起持公不得語
但道不料今遽別
平生故人端有幾
長號頓足淚迸血
生存相別尚如此
何況一旦泉壤隔
欲懷雞黍病爲重
千里關河阻臨穴
速死從公尙何憾
眼中寧復見此傑
青燈耿耿山雨寒
援筆詩成心欲裂

乞奉祠未報食且不繼

富貴常求繫日繩
阨窮却羨棄家僧
強顏始覺

道德補天石勛勞夾日龍犯顏無不盡造膝畧

皆從歲貢來戎幣秋防滅塞烽画圖麟閣上猶

足折遐衝郵忠草陳於本志鳩鴻天何以雖萬

凶烈又嗚貴也無幸財樂班際第一品懸帶買

舊弼初收召惟公力贊揚都亭移僕帳全魏徹

封疆大度寧猜阻羣言自中傷拳拳虛左意猶

可質穹蒼公初拔附即力薦張忠獻公于壽王如賜館都亭驛超封魏國公皆公密

奏且嘗乞用張公為首相而已佐之

又

壠干勞久成大將未班師抗議回天意忘身為

聖時人心嶮莫測時事遠難知汗簡方傳信孤

生欲語誰吳璘戍德順軍師老欲還不敢自請公為相譽其情即力請班師西鄙賴

以無事後議者乃指公為棄地公不辨也

三峽歌

乾道庚寅予始入蜀上下三峽屢矣後

二十五年歸畊山陰偶讀梁簡文巴東

三峽歌感之擬作九首實紹熙甲寅十

月二日也

神女廟前秋月明黃牛峽裏算猿聲危途性命不容恤百丈牽船侵夜行

又

不怕灘如竹節稠新灘已過可無憂古粧我我一尺髻木盃銀盃邀客舟

又

十二巫山見九峯船頭彩翠滿秋空朝雲暮雨渾虛語一夜猿啼明月中

又

錦繡樓前看賣花麝香山下摘新茶長安卿相多憂畏老向夔州不用嗟

又

險詐沾沾不媿天交情回首薄如煙東遊萬里雖堪樂灩澦瞿唐要放船

蠻江水碧瘴花紅
白舫黃旗無便風
洛萬四時常避水
棚居高出亂雲中

亂挿山花簪子紅
蠻歌相和灤西東
忽然四散不知處
踏月捫蘿歸峒中

戰雲又一安
蘇帶月月中

萬州溪西花柳多
四鄰相應竹枝歌
問君今夕不痛飲
奈此滿川明月何

又

我遊南賓春暮時
蜀船曾繫挂猿枝
雲迷江岸屈原塢
花落空山夏禹祠

十月三日泛舟湖中作

桑落可釀酒
艸枯可呼鷹
平生當此時
意氣十倍增
卽今境界別
千錢買短篷
鏡湖三百里
往來寒日中
小甌炊彫胡
玉食無此美
臥聞水鳥

聲世念去如洗知此恨太晚享此恐不足南山
忽已昏更就漁村宿

早行

寒漏參差斷晨雞次第鳴匆匆半枕夢草草一
盃羹澤國多逢雨閒人不計程雲間出寸塢迎
我有餘情

晚泊

樓上嗚嗚角橋邊點點燈聚沙新到雁趁渡獨

歸僧日隱山光暗天低海氣蒸居人笑老子醉

髮亂鬚髻

遣懷

算年世事轉悠悠攬涕淒然類楚囚不道渾無
排遣處病觀周易悶梳頭

舟行戲書

世事無窮膏火煎羈魂病骨久羸然覺時不及
夢差樂死去始嗟生可憐慷慨知非請纓日推

始字易應字
何如

移忽及挂冠年揚帆海浦差強意臥看秋濤蹴

遠天無礙膏火更講談流骨久蕭然覺却不久

與竹坡書

非戲我亦歸隱之詞別賦

莫平世事神欲必鬱鬱對然賦妾囚不復戰無

書新

吳興詩集

劍南詩彙卷第三十

劍南詩彙目錄

卷第三十一

久雨 偶得長魚巨蟹命酒小飲蓋久無

此舉也 泛舟湖山間有感 望永思陵

首二 糟蟹 霜夜 書室明煖終日婆

姿其間倦則扶杖至小園戲作長句 首二

初冬 買屐 十月晦日作 贈道友 首五

示子聿 老境 予所居三山在鏡湖

上近取舍東地一畝種花數十株彊名小

園因戲作長句十被命再領冲佑有感

冬夜戲書首三幽居首二送蘇召叟秀才

入蜀効宛陵先生體寄題哲上人漫堂

冬夜獨酌夜坐燈滅戲作望艾如張

上之回雜詠園中菓子首四閉戶首二

連日大寒夜坐復苦飢戲作短歌園

中對酒作孝宗皇帝挽詞詞三小兒入

城夜坐首二縱筆首五郊行夜歸書觸

目東閉戶十一月五日夜半偶作晴

和出遊湖山間病思寄子虞紙閣

午睡首二夜分復起讀書効蜀人煎茶

戲作長句書逆旅壁外癩趣間中富

貴首二書近况寄蜀中道舊醉中自贈

明日自和雪中至近村歲暮感懷

以餘年諒無幾休日愴已迫為韻首十桐

江哲上人以端硯遺子聿纔寸餘而質甚

奇天將雨輒先流泚予爲效宛陵先生體

作詩一首立春前三日作贈應秀才

春耕首春連陰夜坐新春得

季長書追懷南鄭幕府慨然有作人正月

十一日夜夢與亡友譚德稱相遇於成都

小東門外旣覺慨然有作送陳吏部還

朝觀碁春行雨霽春色粲然喜而

有賦幽思贈持鉢道人柳首山

園雜詠五首

劍南詩彙目錄

卷三十一終

劍南詩彙卷第三十一

久雨

黃葉雨中盡飢鴻煙際來時艱歲仍惡身死病
相催西埭無行路南山有疾雷囊空罷沽酒一
醉轉悠哉

偶得長魚巨蟹命酒小飲蓋久無此舉也

老生日日困鹽齋異味機魚與楮鷄敢望槎頭
分縮項況當霜後得團臍堪憐妄出綠香餌尚

想橫行向艸泥東崦夜來梅已動一樽芳醞徑
須攜

泛舟湖山間有感

我似人間不繫舟好風好月亦閒遊歸來華表
千年鶴滅沒煙波萬里鷗歲晚客貂那復歎時
艱婺緯未忘憂野人只欲安耕釣江左夷吾可
見不入

望永思陵

綠衣迎拜屬車塵艸木曾霑雨露春三十五年
身未死却爲天下最窮人

又

盱食憂民宴樂疎太倉幾有九年儲賈生未解
人間事北闕猶陳痛哭書

紹興庚辰辛巳間游
屢貢瞽言畧蒙施用

糟蟹

舊交髯簿久相忘公子相從獨味長醉死糟丘
終不悔看來端的是無腸

金剛詩集 卷之卅一 二之十一 海古閣
霜夜來微雨長無點

梅花欲動夢魂狂
橙子閒搓指爪香
莫怪艸堂清到骨
一梳殘月伴新霜

又

黃甘磊落圍三寸
赤蟹輪囷可一斤
夏喚東陽

麴道士與君霜夜策
奇勲時東陽餉酒

澹月窺窗似有情
夏堪梅影向人橫
放翁不受

天魔惱獨擁青氈
睡到明

書室明煖終日婆娑
其間倦則扶杖至小園
戲作長句

放翁老手竟超然
俗子何由與作緣
百榼舊曾誇席地
一窗今復幻壺天
夢回橙在屏風曲
雨霽梅迎拄杖前
吾愛吾廬得安臥
笑人思穎憶

平泉李衛公憶平泉山居殿陽公思穎詩皆數十篇

又

初南詩集 卷之卅一 及古閣

美睡宜人勝按摩江南十月氣猶和重簾不捲
畱香久古硯微凹聚墨多月上忽看梅影出風
高時送鴈聲過一杯太淡君休笑牛背吾方扣
角歌

初冬

老客人間百事情樂哉閉戶過今冬朝爐獸炭
騰紅焰夜榻蠻氈擁紫茸煉句工巧絕倫刺坼蓬新栗熟鵝
雛弄色凍醅濃題詩正自消閒日本不爭先萬

戶封

買履

一雨三日泥泥乾雨還作出門每有礙使我慘
不樂百錢買木屐日日繞村行東阡與北陌不
間陰與晴青鞋豈不佳要是欠耐久何當踏淡
雪就飲湖橋酒

十月晦日作

藤疎不覆架桐落欲平溝閨歲風霜晚衰年日

月適觀書方坐石把釣又登舟不是無羈束閒
人得自由

贈道友

凡骨已蛻身自輕勃落葉上行無聲華陰市樓
醉舞罷却上蓬峯看月明

又

憶在長安爛漫遊大明宮闕與雲浮今朝偶上

慈恩塢北望芒芒禾黍秋

唐含光殿與慈恩塢南北相直

又

當時辛苦學長生準擬中原看太平今日醉遊
心已足一瓢歸去隱青城

又

三盃兀兀復騰騰服氣燒丹總不能偕問生涯
在何許孤舟風雨伴漁燈

又

零落殘碑艸棘中北邙蕭瑟又秋風舊時憶在

鶴行裏幾見宣麻拜相公

示子聿

儒林早歲竊虛名白首何曾負短檠堪歎一衰
今至此夢回聞汝讀書聲

老境

平生百不遂惟有老如期眼澀觀書夜心衰把
酒時僧分新掘藥客誦舊題詩四十年前我回
看定是誰

予所居三山在鏡湖上近取舍東地一畝
種花數十株彊名小園因戲作長句

出郭西南十里過小園風月得婆娑翠屏三扇
恰相倚玉鏡一奩誰爲磨投鐻未嫌衰鬢白插
花聊喜醉顏酡耶溪夏盡青鞋興免使將軍怒
脫靴

被命再領沖佑有感

殘骸日益衰晨夜抱疾痛地爐得微火終日不

憲動讀書舊成癖非燈老境不知今但坐作夢未能追鴻冥乃

復分鶴俸風霜舍邊柳合抱皆手種眼中人盡

非欲話誰與共

果然長生真成孤立矣

冬夜戲書

東歸剡曲寄徜徉閒日雖冬亦自長梅瘦有情
橫淡月雲輕無力護清霜長魚通印鹽花白珍
鮓披縣麴糝香一飽喟然還自憫彊顏垂老食
官倉

又

將挂衣冠彊小畱期年畢竟是歸休青氈獨擁
欺霜夜濁酒頻傾洗客愁鶴影冷翻丹井月雁
聲遙帶玉關秋一生自笑閒中過不為功名也
白頭

又

老樹霜餘已盡紅縱橫落葉滿庭中一鈎澹澹
西南月萬鼓憑憑東北風賒酒每慚添舊券讀

劍南詩集 卷之卅一 七
書何計策新功蓬窗坐睡摧頰甚隔竹敲茶賴
小童

幽居

落葉紛可掃幽花寒自開困空無雀噪門靜有
僧來孤學時方棄窮途勢莫回呼兒了租賦莫
待縣符催

又

雨霽雞栖早風高雁陣斜園丁刈霜稻村女賣
秋茶缺井磨樵斧枯桑繫釣槎客來那用問此
是放翁家

送蘇召叟秀才入蜀効宛陵先生體

士勇赴知己義重身固輕尊公況有命子得辭
此行結廬出門去迢迢過蠻荆泝江卜風色入
峽聽猿聲萬里一紙書南寄孤雁征山陰在何
處計子難爲情願言早來歸鄰曲當出迎棹舟
柯橋市一盞手自傾

寄題哲上人漫堂

老子從來任運行。愛君堂以漫爲名。北印大有英雄骨。枉用工夫過一生。說得人迴違如共

冬夜獨酌

寒水茫茫浸月明。疎鐘杳杳帶霜清。一樽濁酒有妙理。十里荒雞非惡聲。物外雖增新跌宕。胷中未洗舊崢嶸。頽然坐睡蒲團穩。殘火昏燈伴五更。

夜坐燈滅戲作

冷飯黃齋傲太平。鬢絲原不爲愁生。忽因燈死得奇觀。明月滿窗梅影橫。

艾如張

錦膺繡羽名山雞。清泉可飲林可栖。稻梁滿野棄不啄。雖有奇禍無階梯。東村西村煙雨晚。蕭艾離離林薄淺。翩然一下駭機發。汝雖知悔安能免。漢家天子南山下。萬騎合圍窮日夜。犬牙

鷹爪死不辭觸機折頸吁可悲

上之回

咸陽宮闕天下壯五夏衛士傳雞唱重門洞開
鑾駕出回中夏在雲霄上雲霄一路蟠青冥車
聲隱轡馳雷霆宓妃穿仗王母下何必軒皇居
大庭君王遊幸無終極萬年盡是歡娛日文成
已死方不讎茂陵松柏秋蕭瑟

雜詠園中菓子

不酸金橘種初成無核枇杷接亦生珍產已從
幽圃得濁醪仍就小槽傾

又

漿石榴隨餒作節蠟櫻桃與酪同時兩株偶向
池邊種可喜今年墜折枝

又

架垂馬乳收論斛港種雞頭采滿船鼃鼎若爲
占食指麴車未用墮饒涎

山杏谿桃本看花纍纍成實亦堪誇鹽收蜜漬
饒風味送與山僧下夜茶

閉戶

聲利能令智者愚放翁閉戶養迂疎地爐枯葉
夜煨芋竹筩寒泉晨灌蔬狗俗不如翻著鞵愛
山只合倒騎驢今朝更有欣然處萬里知心一

紙書

蜀兵來得張季長
歸唐安江原書

又

冠蓋長安幾番新放翁只似向來貧滿窗紅日
價無敵半榼新醅香動人宴坐心先無蔽障橫
眠踵息自清勻世間不用詢名字身是無懷上
古民

連日大寒夜坐復苦飢戲作短歌

翁飢不能具小殮兒凍何由成複禪藏書充棟
讀至老固願少出蘇黎元念當萬事度可否肯

使一恨彌乾坤古來賢達多晚謬千載遺笑綺
與園老翁肝心等鐵石他年骨朽此固存村沽
雖薄亦取醉起看江月傾金盆

園中對酒作

偃僂衰翁雪滿顛
愛花耽酒似當年
雖無錦障七十里
也有青銅三百錢
數掩竹籬分小徑
一泓沙井貯寒泉
栽紅接白株株活
坐擁春工太半權

孝宗皇帝挽詞

大道本生知崇高志不移
凝神超事物觀妙極
希夷訪藥三山遠
遺弓萬國悲神孫
咎鍾慶天作太平基

又

代邸膺圖日臨朝涕泗橫
誠心非外飾至孝化
群生高廟聯龍袞
思陵接柏城平生奉親意
一理貫幽明

便殿諮詢早深宮宴樂稀欲頒傳位詔猶索未
明衣壽損名方永身癯國愈肥孤臣泣陵柏心
折九虞歸

小兒入城

小兒破帽出求師老父寒爐夜畫詩不耐青燈
寫孤影聊呼薄酒慰長飢我今僅守詩書業汝
勿輕捐少壯時但恨北風如許惡湖橋歸路想

流澌

夜坐

萬螿披書卷孤螢引篆香病息無事樂老悔少
年狂南渡衣冠盛西征道路長如今俱夢破高
枕看人忙

葉盡木無聲天高夜自明映窗燈半滅掠野雁
孤征瓦裂人間事雲浮身後名惟應托長鑱寂

冥送浮生人間事雲彩復終各卦飄并是難寐

縱筆墨天高亦自隨知窗銀半刻蘇理韻

惰游不能耕心媿新春白歉傲茅三間主人終

勝客八

又

朝士腰下黃山僧鼻端白放翁俱笑汝飽飯作

閒客

又

溫溫地爐紅皎皎紙窗白忽聞啄木聲疑是敲

門客

又

雪晴蓼甲紅雨足韭頭白雖無萬錢具野飯可

畱客

又

小兒勿大勤使汝髮早白長為南畝民殊勝東

閣客

閨客郊行夜歸書觸目

老翁病起厭端居
隨意東西不問途
霜野艸枯鷹欲下
江天雲溼雁相呼
空垣破竈逃租屋
青帽紅燈賣酒爐
未畏還家踏泥燎
園丁持炬小兒扶

閉戶

老人閉戶動經月
嬾就東家借蹇驢
身後有名豈如酒
體中不佳聊讀書
秦王開圖見七首
漢相狗市載厨車
人間憂怖古如此
莫怪荒畦常荷鋤

十一月五日夜半偶作

艸徑江村人迹絕
白頭病臥一書生
窗間月出見梅影
枕上酒醒聞雁聲
寂寞已甘千古笑
馳驅猶望兩河平
後生誰記當年事
淚濺龍牀請

北征

日出晴和出遊湖
山間半帶風西南
來水面坐

日出氣稍和呼船渡煙津微風西南來水面生
 魚鱗適此一日佳聊娛百年身將鬚俯船舷一
 笑彼何人閨餘春事早已覺陽和新梅花處處
 開幽香襲衣巾久病喜我出問訊傾鄉鄰舟回
 不須速看涌白玉輪

病患

賣劍還山學老農不堪衰與病交攻將軍閉戶
 方鋤菜處士攜家欲賃春殘齒彊畱終艱脆病
 腰扶拜苦龍鍾壯遊誰信梁州日大雪登城望
 夕烽

寄子虞

老自安故鄉况復觸罪罟五年三奉祠每請幸
 聽許貧家似破屋隨事且撐拄雖殊乞墻肉已
 近掘野鼠平生膽力薄不敢犯張禹有時一言
 失恐懼氣如縷念此思挂冠白首冀安處吾兒
 哀乃翁歲暮忍羈旅何時得斗粟歸舍聊共煮

便艸北關書乞骸歸卒伍
十粟補舍報共焚

紙閣午睡
念出思封銀白首莫交還

紙閣輒爐火一杵斷香欲出礙蒲簾
放翁不管

人閒事睡味無窮似蜜甜
對山無事了營肉已

又
子自又

黃紬被煖青氈穩紙閣油窗
晚夏妍一飽無營

睡終日自疑身在結繩前

夜分復起讀書

愁極不成寐起開窗下書似囚
逢縱釋如癢得

爬梳燈火夜過半風霜歲欲除
平生濟時意却

作夢吾廬

効蜀人煎茶戲作長句
山前無人白士

午枕初回夢蝶牀紅絲小磴破
旗槍正須山石

龍頭鼎一試風爐蟹眼湯
巖電已能開倦眼春

雷不許殷枯腸飯囊酒瓮紛紛
是誰賞蒙山紫

筍香

香書逆旅壁

百憂襲算年懷抱日騷屑雖云歸故鄉何異萬
 里客窮冬迫寒餓凜有在陳厄駕言適近村慘
 慘天欲雪人沽村市酒馬齧山坡麥旅炊雜沙
 土得飽何暇擇手皸若龜兆面槁無人色士窮
 自其分所幸全大節功名已甌墮身世真瓦裂
 不學玉關人飢鷹方夜掣

懶趣

謝病掩柴荆年來懶趣成舌根茶味永鼻觀酒
 香清已矣馳驅息悠然磊砢平高眠得三昧夢
 斷已窗明

閒中富貴

要信人生各有緣閒中富貴亦關天綠窗靜對
 千梢竹翠竇新疏一脉泉夔百衲琴常鎖匣買
 雙鈎帖不論錢箇中得意君知否不換金貂與
 玉蟬

王勣又

天爲疎慵剗與閒一菴青嶂白雲間
衲僧過別歸廬阜羽客來尋說華山
冬筍生林龍鱗鱗寒泉落磗珮珊珊
俗人自是無因到雖設柴門不上關

書近況寄蜀中道舊

遺事復遺榮空齋一榻橫宿醒投未正
新句煨初成山崦傳梅信天窗送雪聲
戲題勻碧紙遣

鶴報青城

對酒醉中自贈

富貴猶宜早退休一生齟齬更何求
賦形未至欠壬甲語命寧須增斗牛
栗里收身貧亦樂平陵埋骨死無憂
狂歌醉舞真當勉剗折梅花插滿頭

刻大明日自和興來酒同長常集莫計良童笑

三頃元知未易求不如馬磨學文休正令未死

初月詩集

卷之卅一

及古閣

有幾日那得殘年叢百憂霜野挾弓朝射雁煙
陂吹笛算呼牛興來醉倒尋常事莫信兒童笑
白頭

剡野雪中至近村
荒山風雪歲將殘貸粟迢迢犯苦寒急燎征裘
憩牛屋旋沽村酒挂驢鞍清貧徹骨初無憾老
健逢人彊自寬
深夜還家未能睡解囊吹火取
詩看

歲暮感懷以餘年諒無幾休日愴已迫爲
韻

昨算送客歸短櫂過魯墟故廬有遺趾青山遶
牆隅桑竹雖鬱然舊植已無餘瓦礫不可求而
況屋壁書繫舟問鄰人搔首久躊躇行當挂朝
衣躬耕返吾初

又

我家釋耒起遠自東封前詩書守素業蟬聯二

百年長老日零落念之心惕然每恐後生輩或
爲利欲遷我少亦知學蹭蹬及華顛訟過豈不
力壽非金石堅

又

我壯已早衰晨鏡每惆悵藥物姑自持耆老曷
敢望造物有藥除貧悴博無恙歸鄉夏多感朋
舊盡凋喪客來多避席謂我丈人行此意詎敢
忘報子以直諒

又

士生始志學固爲聖人徒人人可稷尚世世皆
唐虞仰事與俯育治道無絕殊孔孟之所傳世
俗顧謂迂申韓尙刻薄老莊競虛無爾車非不
良盍行九軌途

又

江左謝太傅高臥頗自喜東山豈不佳憺也終
一起阿堅偶自敗元子亦適死區區疑謗中勳

業端有幾當時嘲小艸雖戲實中理所以山中
人至今笑園綺

又

家世本無年甲子近一周小子獨何幸七十今
平頭往者收朝迹亟欲求歸休厚恩許奉祠得
祿歲愈憂三釜不及親顧為妻子畱何由洗此
媿欲挽天河流

又

高皇管中興風雨躬沐櫛一士未嘗遺萬里皆
馳日廉聽闢言露虛懷詢得失孤臣實艸芥亦
獲對宣室龍顏宛在日德不報萬一橋山松柏
寒淚盡史臣筆

又

王師宿梁益行臺護諸將腐儒添辟書萬里至
渭上旌旗照關路風雪暗戎帳堂堂鐵馬陣疊
疊木牛餉誰知骨相薄空負心膽壯回首二十

年撫事增悲愴
 在管祖宗時
 風俗極粹美
 人材兼南北
 議論忘彼此
 誰令各植黨
 夏什而迭起
 中夏夷狄
 既此風猶未已
 臣不難負君
 生者固賣死
 儻築太平基
 請自厚俗始

又

井地以養民
 整整若棊
 画初無甚
 貧富家有五
 畝宅哀哉
 古益遠禍
 始開阡陌
 富豪役千
 奴貧老無
 寸帛困窮
 禮義廢盜
 賊起感迫
 誰能講古
 制壽我太平脉

桐江哲上人
 以端硯遺
 子聿纔寸
 餘而質甚
 奇天將雨
 輒先流泚
 予為效宛
 陵先生體
 作詩一首

吾兒得巖硯
 其徑甫踰
 寸奇哉掌握
 物乃有琮
 璧潤器寶
 備才德初
 不以形論
 汝能志山
 林懷

之可嘉遜
 前木斷時不以
 洪倫文韻志山林
 吾只立春前三日
 作補古香姑掌對
 春近寒尤苦先生
 不下堂烏皮蒙燕
 几白拂挂
 禪牀書架斜斜設
 梅花細細香悠然
 睡還起已
 覺日微長
 吾土人以
 謝世
 年
 謝古翁而贊

贈應秀才

過宋不見元城公
 渡淮不見陳了翁
 當時人人皆太息
 至今海內傾高風
 老夫七十居鄉縣
 齷齪龍鍾何足見
 辱君雪裏來叩門
 自說辛勤求識面
 我得茶山一轉語
 文章切忌參死句
 知君此外無他求
 有求寧踏三山路

春耕

今年液水滿西疇
 父老人人卜有秋
 只要耕犁及時節
 裹茶買餅去租牛

首春連陰

入春十日九日陰
 積雪未解雨復霪
 西家船漏

劍南詩彙 二十四
湖水漲東家驢病街泥深去秋宿麥不入土今年米貴如黃金老嫗哭子那可聽僵死不覆黔
婁衾州家遣騎餽春酒欲飲復止吾何心出門
空歎歲華速已見微綠生高林

夜坐

衰翁不出門歲月過電電窗明地爐煖袖手坐
寂寞可憐瓶中梅爛漫幾開落小園亦數樹曾
未破一萼三夏北風急雨雪恐復作且當勤舉
杯莫恨浮蟻濁

新春

老境三年病新元十日陰疎籬枯蔓綴壞壁綠
苔侵憂國孤臣淚平胡壯士心吾非兒女輩肯
賦白頭吟

得季長書追懷南鄭幕府慨然有作

從戎咎在山南日彊半春光醉裏銷綠樹啼鶯
窺帽影画橋飛絮逐鞭梢花經小雨開差晚笙

怯餘寒澀未調惆悵流年又如許羈魂欲仗楚
詞招

正月十一日夜夢與亡友譚德稱相遇於
成都小東門外既覺慨然有作

當年與子別江干漸老心知後會難豈料今宵
清夢裏東門交轡說春寒

送陳吏部還朝

邂逅稽山許攬鬚塵埃時得近冰壺不辭我老

雞豚社且喜公歸櫻筍厨滿室琴書懷燕几一
川風雨送行艫勉哉早了功名債要画騎牛第

二圖

先賢良與劉凝之
有廬山騎牛圖

觀碁

一枰翻覆戰枯碁慶吊相尋喜復悲失馬翁言
良可信牧豬奴戲未妨爲白蛇斷處真成快黑
幟空時又一奇歛付兩奩來對酒泠泠聽我誦

新詩

初函詩集

卷之卅一

及古閣

春行

翦帽絲絲雨芒鞋策策泥柳斜風帶北花
歛日平西社酒誇新壓春燕喜遍犁
淡村無客過父子自扶攜

雨霽春色粲然喜而有賦

應接年光老漸慵猶能一飲百分空
半霑蝶粉簾櫳雨遠送鶯聲巷陌風
千縷曲塵楊柳綠萬枝猩血海棠紅
從來造物陶甄手却在閒人詩

句中

幽思

雲際茅茨一兩間春來幽事日相關
臨窗靜試下巖硯欹枕臥看靈壁山
紅練帶飛俱意得錦熏籠煖尚香慳
今朝社過添惆悵高棟巢空燕未還

錦熏籠謂瑞香

贈持鉢道人

青鐵作小冠白紵縫短褐右扶九節杖
左執七

綴鉢何嘗有定止到處可生活惟有烈士心白
刃不能奪相逢一笑粲滯思得披豁揮袂去若
飛跂望已天末

柳

楊柳春風綠萬條憑鞍一望已魂消當年鳳集
城邊路曾夢纖纖拂画橋

又

西園雨打杏花稀便面章臺事已非只恐無情
堤上柳又將風絮送春歸

山園雜詠

祠祿畱人未挂冠山園三畝著身寬百年竟向
愁邊老萬事元輸靜處看花徑糝紅供晚醉月
天生暈作春寒汗青事業都忘盡時賴吾兒舉
話端

又

殘春終日在林亭散髮披衣醉復醒科斗已成

鼉閣閣櫻桃初結子青青魚遊滄海寧濡沫禽
慕雕籠卽翦翎薄晚東風吹小雨笑攜長鑱伴
畦丁

又

桃花爛熳杏花稀春色撩人不忍違俗客年來
眞掃迹清樽日莫獨忘歸魚行池面紅雲散鵲
起枝頭絳雪飛莫道顛狂無訴處臥看香篆掩
齋扉

又

已過社雨尙春寒小醉初醒怯倚欄柳帶花移
宜土潤鶴和雛養要籠寬孤翁白首投村社諸
彥青雲接羽翰誰信幽居多樂事晚窗兒女話
團圓

又

春光何止二分空寒食都無數日中密葉成陰
花寂寂舊巢添土燕怱怱紙鳶收線愁風惡秧

馬掀泥喜雨濛堪歎今年衰更甚蒼顏縱醉不

成紅可出三冬空寒食清無幾日中密葉如劍

又

團團

夢青雲紫翠歸歸言幽思多樂事知商與女

宜土斷歸時無羨更歸實亦餘白首對林林

古邑孤雨向春寒小酒醉醒對窗闌時帶

劍南詩豪卷第三十一

劍南詩豪目錄

卷第三十二

雨夜書感

首二

鏡湖

舟中戲書

春晚

懷山南

首四

春晚書齋壁

日七十一翁吟

山茶一樹自冬至清明後著花不已

晨起

春晚雜興

首六

齋中雜題

首四

老

疾戲自贈

夜坐聞湖中漁歌

上巳書

事風對酒

自規

窮居有感

春夏之

交風日清美欣然有賦首三夜歸農家

歎三月十一日郊行初夏行平水道

中法初夏幽居偶題首四晨起小圃

幽居夜賦首二中書事首二初夏首十

四月旦作時立夏已十餘日春夏之交

鳴鳥百族惟布穀聲最悲急動人戲作十

韻二倚杖野步竹窗晝眠騰騰

幽棲首二睡起愁坐忽思南鄭小益之

間首二四月十三夜四更起讀書夏雨

初霽題齋壁東窗聞泉雨中示子

聿山園屢種楊梅皆不成枇杷一株獨

結實可愛戲作長句夢遊山寺焚香煮

茗甚適既覺悵然以詩記之夏日巢

山首二四月二十三日作首二觀月

暑晨起首二聞思首二梅天夜坐五麥

熟市米價減鄰里病者亦皆愈欣然有賦

雨中作 乙卯重五 夏夜風

雨極涼枕上口占 窮居天思蜀坐五月

二十三夜記夢 送葉尚書 路傍曲 首三

贈汪叔潛 出遊 韓退之 夏曰 集

韓退之 夏曰 集

韓退之 夏曰 集

韓退之 夏曰 集

劍南詩彙目錄 卷三十一 終

劍南詩彙卷第三十二 天 其 文 貴

雨夜書感 閑 空 館 有 懷 無 與 陳 萬

宦遊四十年歸逐桑榆暖皇恩念黎老一官猶

置散春殘桃李盡風雨閉空館有懷無與陳萬

事付酒椀近代固多賢吾意終不滿可憐杜拾

遺冒死明房瑄慷慨詎非奇經綸恨才短群胡

穴中原令人歎微管 叶韻不成語

又自貴 韓退之 韓退之 韓退之 韓退之

儒生不自貴執藝等卜祝詩書定何物爲汝市
爵祿唐虞雖日遠凜凜猶在目誰能舉其要治
功端可復平生麤知此俛仰髮已禿一豪不獲
施老病死巖谷安知萬世後終無可封俗願廣
稽古心端拱咨嶽牧

鏡湖

躬耕蘄一飽閔閔望有年水旱適繼作斗米幾
千錢鏡湖決已久造甌初非天孰能求其故遺
迹猶隱然增卑以爲高培薄使之堅坐復千載
利名託亡窮傳民愚不能知仕者苟目前吾言
固應棄悄愴夜不眠

舟中戲書

平生萬事付之天百折猶能氣浩然試問軟塵
金絡馬何如柔艣月侵船英雄到底是癡絕富
貴但能妨醉眠三百里湖隨意住人間真有地

行仙

餘山春晚懷山南

梨花堆雪柳吹絲常記梁州古驛前二十四年
成昨夢每逢春晚卽悽然
壯歲從戎不憶家梁州裘馬鬪豪華至今夜夜
尋春夢猶在吳園藉落花

又

梁州一別幾清明常憶西郊信馬行桃李成塵

總閒事梨花楊柳最關情

又

身寄江湖兩鬢霜金鞭朱彈夢猶在遙知南鄭
城西路月與梨花共斷腸
小春春晚書齋壁坐四師新養養
海棠已成雪桃李不足言纖纖麥被野鬱鬱桑
連村穉蠶細如蠶杜宇號朝昏展墓林餌美坐
社黍酒渾早筍漸上市青韭初出園老夫下箸

喜盡屏雞與豚幽居亦何樂且洗兩耳喧呼兒

燒柏子悠然坐東軒半熟博香瓦墓林隨美坐

新棠七十一翁吟不更言憐憐冬好裡鬱鬱桑

七十青翁心事闌坐叨祠祿養衰殘樽中無酒

但清坐架上有書猶縱觀吏部齒搖心悵望將

軍髀滿淚洩瀾客來共飯增羞澀小摘山蔬不

揜繁又

蘇明山茶一樹自冬至清明後著花不已

東園三日雨兼風桃李飄零掃地空惟有山茶

偏耐久綠叢又放數枝紅

晨起

初日破蒼煙零亂松竹影老夫起燒香童子行

汲井平生水雲身不墮車馬境願言學龐公全

家事幽屏

春晚雜興

寂寂野人家柴扉傍水斜僧分晨鉢筍客共午

甌茶燕戶添新土
蛛絲罥落花悠然便終日
惟此送年華

家事又氣

澤國固多雨
暮春猶薄寒
兒童葺茶舍
婦女賽蠶官
閱世年雖往
爲農興未闌
窮途得一飽
亦足慰艱難

論情又

絲蓬又

故地林

餘

池面萍初紫
牆頭杏已青
攜兒撐小艇
畱客坐孤亭
相法無侯骨
生年直酒星
正須遺萬事
莫遣片時醒

又

小市湖橋北
幽居石埭西
蒲深姑惡哭
樹密秭歸啼
山茗封青箬
村醪圻赤泥
平生汗簡手
投老慣扶犁

又

莫問問陳事
忘家明出矣

病瘍無意緒
閉戶作生涯
艸艸半盂飯
悠悠一

金百言集 五
盃茶笑穿居士屨閒看女郎花

唐人謂辛夷爲女郎花園中有

此花一叢二百朵

莫問明朝事忘家卽出家

又

青梅薦煮酒綠樹變鳴禽處世已如客傷春無
復心焚香惟默坐曳杖亦幽尋一日悠然過淡
慙憚寸陰

齋中雜題

列屋娥眉不足誇可齋別自是生涯閒將西蜀
團窠錦自背南唐落墨花

又

小醉微吟過一春人間儂是最閒人龜毛拂子

長三尺拈起風光處處新

竊取禪語

琴几硯涵鸚鵡眼古奩香斲鷓鴣斑絕知造物
慙懃意成就衰翁到死閒

又

刀南詩集

卷之卅二

及古閣

幽居厭見凡花艸紅紫紛紛不復栽自斫蒼苔

換黃土南山移得玉芝來

窗外新移雲門玉芝一本甚茂

老疾戲自贈

年過七十日夜衰羸然骨立不支持一身百病
作無時飯且不足那論醫鏡中之人定是誰面
骨突兀鬢成絲買棺作冢計已遲一旦寧免累
諸兒門前湖山可遨嬉心雖欲往力不隨左車
牙脫吁可悲問汝何不食肉糜

夜坐聞湖中漁歌

少年嗜書竭目力老去觀書澀如棘短檠油盡
固自佳坐守一窗如漆黑漁家裊裊起三更哀
而不怨非凡聲明星已高聲未已疑是湖中隱
君子

上巳書事

單衣初著下湖天飛蓋相隨出郭船得雨人人
喜秧信祈蠶戶戶歛神錢黃雞煮臙無停筓青

劍南詩集 卷之卅二 七
非淹菹欲墮涎丞相傳聞又三押衡茅未改日

高眠

對酒

手摘醱醪翦牡丹山家艸艸亦杯盤溪頭一夜
風吹雨又作殘春幾日寒

自規

陸君拙自謀七十猶糲食著書如山身不二
錢直默自觀我生困弱良得力轉喉畏或觸唾
面敢自拭世路方未夷機穽寧有極但能常閉
門尊拳貸雞肋

窮居有感

孤村煙艸算淒迷笠子蓑衣自架犁生計似蛛
聊補網弊廬如燕旋添泥人亡耆舊多時學地
廢陂湖失古隄迂闊自知無著處敢因窮厄怨
推擠

春夏之交風日清美欣然有賦

日鑄珍芽開小缶銀波煮酒湛華觴槐陰漸長
簾櫳暗梅子初嘗齒頰香戶戶祈蠶喧鼓笛村
村乘雨築陂塘年光何預衰翁事件蝶隨鷺也
解狂

又

天遣殘年脫馬鞵功名不恨與心違綠陂細雨
移秧罷朱舫斜陽擘紙歸花市丹青賣團扇象
牀刀尺製單衣白頭曳杖人爭看笑歎浮生七

十稀

又

芳潤園林不似貧年光無盡逐番新來禽顏色
不禁雨搏黍語言如惜春身外豈關吾輩事鏡
中已換咎時人神僊定未超塵俗猶插金貂侍
帝晨

夜歸

疎鐘渡水來素月依林上煙火認茅廬故倚船

蓬望

農家歎

有山皆種麥有水皆種杭牛領瘡見骨叱叱猶
夜耕竭力事本業所願樂太平門前誰剥啄縣
吏徵租聲一身入縣庭日夜窮笞荆人孰不憚
死自計無由生還家欲具說恐傷父母情老人
儻得食妻子鴻毛輕

三月十一日郊行

到處人家可乞漿槐陰巷陌午風涼水陂漫漫
新秧綠山壠離離大麥黃父子力耕春漸老婦
姑共績夜猶長堯民擊壤雖難繼芹美懷君未
敢忘

初夏行平水道中

老去人間樂事稀一年容易又春歸市橋壓擔
蓴絲滑村店堆盤豆莢肥傍水風林鶯語語滿
原煙艸蝶飛飛郊行已覺侵微暑小立桐陰換

夾衣

初夏幽居偶題

放逐還家一老翁，癡頑自笑更誰同。
倚欄風月黃昏後，攜杖園林綠潤中。
泳水小魚依藻荇，覓巢輕燕拂簾櫳。
此身要豈堅牢物，莫遣須臾酒盞空。

又

展盡高槐日漸長，了無蜂蝶爲花忙。
青梅旋摘宜鹽白，煮酒初嘗帶臘香。
林下光陰無一事，水邊窗戶有餘涼。
應門不用辭衰疾，車馬何由到野堂。

又

咎如轉戰墮重圍，今幸騫翔脫駭機。
曉樹好風鶯獨語，夜窗細雨燕相依。
安居不恨蝸廬窄，得食寧論鶴料微。
更喜暮年彊健在，又看刀尺製縑衣。

又

朱櫻羊酪喜新嘗
碧井桐陰轉午涼
書几得晴宜試墨
衣篝因潤稱熏香
枯龜自覺支牀穩
老馬安能試艸長
半世學騷終不近
空餘清夢上沅湘

晨起

青青水中萍粲粲牆下艸
開歲纔幾時已歎春
事老鳴禽傍窗戶
怪我倦幽討長吟感人懷
病枕起亦早下牀呼獠奴
浩蕩恣灑掃綠陰
列蒼石芳樽得頻倒
客來但與飲談天
有何好亦莫雕肺肝
吟哦學郊島

小圃

剡曲西邊築草堂
小園聊復寄相羊
魚行水際汀蘋動
麝過林中野草香
龜句有時攜筆硯
遣懷隨事具杯觴
少年朋舊凋零盡
不獨思人亦自傷

老年情事不堪惟此為甚

自寫幽居

青門不種故侯瓜，揀得湖山便寄家。
老境一廛依水竹，壯遊萬里犯風沙。
氣衰那辦飲無算，病著更知生有涯。
莫道吾廬全索寞，牆東新補數株花。

夜賦

小齋寂寂似禪寮，臥數更籌覺夜遙。
帳外殘燈欺不寐，梁間棲燕伴無聊。
江湖贈蹬朱顏改，憂患侵凌壯志消。
挂旆天山少年事，此身終負聖明朝。

閒中書事

病過新年逐日添，清愁殘醉兩厭厭。
惜花萎去常遮日，待燕歸來始下簾。
堂上清風生玉麈，澗中寒溜注銅蟾。
一生畱滯君休歎，意望天公本自廉。

一畝山園半畝池
流年忽逮挂冠期
賣花醉叟
剝紅桂種藥高僧寄
玉芝午枕爲兒哦
舊句晚窗畱客算
殘碁登庸策免多
新報老子癡頑總
不知日暮燕歸來
故不與堂上青風去
王壘斷
紛紛紅紫已成塵
布谷聲中夏令新
夾路桑麻
行不盡始知身是太平人

翦韭醃蠶粟作漿
新炊麥飯滿村香
先生醉後騎黃犢
北陌東阡看戲場

又

稻未分秧麥已秋
豚蹄不用祝甌窶
老翁七十猶彊健
沒膝春泥夜叱牛

又

買得新船疾似飛
蠶飢遙望采桑歸
越羅蜀錦吾何用
且備幽人卒歲衣

吾同又且辭幽人卒歲交

槐柳成陰雨洗塵櫻桃乳酪併嘗新古來江左

多佳句夏淺勝春最可人

夏淺却勝春
徐陵詩也

餘豈又及朝春

杜鵑血盡啼未歇蝴蝶夢殘心更狂我自人間

少情者老來十倍惜年光

謝黃又

賜食金盤出寶闈玄熊掌映紫駝蹄侯家但詫

承恩澤豈識山厨苦蕡齏

蘇林又

隋家古寺郡西南寺廢殘僧只二三藜藿滿庭

塵闍佛時聞鏡鼓賽春蠶

京望又

渺渺荒陂古埭東柳姑小廟柳陰中放翁老憊

扶藜杖也逐鄉人禱歲豐

步餘又

老翁賣卜古城隅兼寫宜蠶保麥符日日得錢
惟買酒不愁醉倒有兒扶

四月旦作時立夏已十餘日中外餘寒
京塵相值各匆忙誰信閒人日月長爭葉蠶飢
鬧風雨趁虛茶嬾鬪旗槍林中晚筍供厨美庭
下新桐覆井涼堪笑山家太早計已陳竹几與
藤牀又

春夏之交鳴鳥百族惟布穀聲最悲急動
人戲作十韻

春風捨人去陸子歎以驚欲挽春使回無奈布
穀聲春亦何負汝旦暮聲不停或謂布穀者一
氣感使鳴春老自當去微禽彼何情上天運四
時斗柄亦崢嶸奈何獨私春欲使久不傾南風
吹衆綠一掃紫與頰此時豈不佳乃爾懷不平
勿作兒女態起視東郊耕

倚杖

初南詩集

卷三十二

及古閣

倚杖柴門外，踟躕到日斜。
兒童拾筍籜，婦女賣茶芽。
掠岸過漁艇，隔籬聞緯車。
年來詩料別，滿眼是桑麻。

野步

蝶舞蔬畦晚，鳩鳴麥野晴。
就陰時小息，尋徑復微行。
村婦窺籬看，山翁拂席迎。
市朝那有此一笑，慰餘生。

竹窗晝眠

初夏暑雨薄，但覺白日長。
向來萬里心，盡付一竹牀。
新筍出林表，森然羽林槍。
時聞解籜聲，靈府生清涼。
平生喜晝眠，此志晚乃償。
安枕了無夢，孰爲蝶與莊。
徐起掬寒泉，中有菱絲香。
清歎送落日，與世永相忘。

騰騰

騰騰吾喪我，兀兀我忘吾。
萬事皆墮甌，一身真朽株。
江天號鶴鶴，村巷暗楸梧。
薄酒猶堪醉，歸

來稚子扶

謝靈運幽棲

閒人了無事地僻稱幽栖晷米畱雞食移琴避

燕泥桐生窗欲暗筍長徑還迷不作容車計門

閨儘放低

又

誰為幽棲陋茅茨足庇牀雨便梧葉大風度練

花香浴佛兒童喜縑絲婦女忙竭來三十載吾

鬢固宜霜

乾道丙戌始卜居鏡湖之三山今甫三十年矣

睡起

虛堂四簷竹脩脩朱夏正午如高秋八尺風漪

雲碧裯一榻寬如禹九州屈信展轉俱自由息

以兩踵無與喉世方窘若魚吞鈎我獨超然鷹

脫鞴一物不向靈臺畱非睡非覺以神遊青城

紫閣多朋儔相逢握手笑不休

愁坐忽思南鄭小益之間

當年蜀道秦關萬里飄然往還酒病曾畱西縣
眼明初見南山

又

籌筆門前芳艸回龍道上青山萬里猶能夢到
再遊未信天慳

四月十三夜四更起讀書

七十未捐書正恐死乃息起挑窗下燈度此風
雨夕

夏雨初霽題齋壁

楸花練花照眼明幽人浴罷葛衣輕燕低去地
不盈尺鵲喜傍簷時數聲對奕軒窗消永晝曬
絲院落喜新晴忽驚重五無多日采縷纏筒弔
屈平

東窗

萱艸石榴相續開數枝晚筍破蒼苔背人紅練
穿林去直是無情不再來

寒林聞梟

兩忘堯桀自心平此念胡為掃復生幸是安眠
無一事苦憐鶯語惡梟聲

雨中示子聿

窮閭父子自相依寂寂茅廬映竹扉瓜蔓水生
初抹岸練花寒動却添衣吾玄自笑豈尚白汝
瘦元知能勝肥苦學勿為干祿計宦途雖樂不
如歸

山園屢種楊梅皆不成枇杷一株獨結實

可愛戲作長句

楊梅空有樹團團却是枇杷解滿盤難學權門
堆火齊且從公子拾金丸枝頭不怕風搖落地
上惟憂鳥啄殘清曉呼僮藥露摘任教半熟雜

甘酸

枇杷盡熟時鴉鳥不可復
禦故熟七八分則取之

夢遊山寺焚香煮茗甚適既覺悵然以詩

日記之

平日居山恨不深
 暫來差足慰幽尋
 僧歸共說道逢虎
 院靜惟聞風滿林
 毫盞雪濤驅滯思
 篆盤雲縷洗塵襟
 此行殊勝邯鄲客
 數刻清閑直萬金

夏日

柴扉晝掩竹林幽
 坐使炎天變素秋
 扇月團團似初滿
 簟波細細欲平流
 朋儕零落關河阻
 疾病沉綿歲月遒
 賴有澄湖常在眼
 虎頭不用画滄洲

滄洲

巢山

巢山避世紛身隱
 萬重雲半谷傳樵響
 中林過鹿群蟲蝨葉成
 篆風蹙水生紋不蹋溪
 橋路僊凡自此分千重
 臥坐一野

又

短髮巢山客人知
 姓字誰穿林雙不借
 取水一軍持渴鹿群
 窺澗驚猿獨裊枝
 何曾畜筆硯景

物自成詩特錄
蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

蘇軾四月二十三日作
蘇軾四月二十三日作
蘇軾四月二十三日作

雪詫宮衣 陳蔡去 齋齋空 藥醴 脯物 少 平 苦 屢

初晨起 斗南風 來 轉 圓 幽 空 幽 阿 汝 屏 燕 窗

衰老少睡眠 睡晚覺常早 五更攬衣起 漏鼓猶

考考青燈取 孤影不睡坐 亦好讀盡一編書 南

窗朝日杲 汝 却 謂 南 山 以 南 官 少 平 不 高 增 法

青 閒息 林 樹 以 上 海 望 於 人 向 到 謝 安 出 風

溝水細無聲 窗扉晚更明 簾開燕雙入 人靜鵲

群行青李求 初至黃醅釀已成 出門無奈嬾不

是傲公卿

又 燕市未歸 燕市未歸 燕市未歸 燕市未歸

小雨時時作 幽花續續紅 新蟬落庭樹 癡燕集

屏風傍枕拋 書卷臨池下 釣筒閒中有 真樂那

得難途窮 志也 片 燕 許 取 謝 漫 寄 汝 以 歸 興

登 梅天 幽 傳 謝 四 山 精 道 入 坐 山 山 山 山 山

稻隴移初遍 梅天澀未晴 輕陰昏茗色 餘潤咽

琴聲時傍菱塘立 還尋沙徑行 杜門終此世 更

初南詩集 卷之卅二 及古閣

誓未來生
燈暗一室幽
鳥鳴四山靜
道人坐倚壁
度此清夜永
少時志功名
癡絕如捕影
造物遺以窮
磨礧發
淡省坐令盆
盎淺渺渺
波萬頃
雖未造道
真南轅終至郢

麥熟市米價減鄰里病者亦皆愈欣然有賦

凶年已度麥方秋
學道從來幸寡求
荷鋪自隨身若寄
漉籬可賣飯何憂
隣翁瀕死復相見
村市小涼時獨遊
不怕歸時又侵夜
新添略約跨清溝
風聲如翻濤
雨點如撒菽
皇天念此老
一爲洗煩促
呼童取短檠
聊展舊書讀
悽然對孤影
感歎衰鬢秃
兀如老病馬
關河又在目
伏櫪雖已

疲連雲思首荷步病馬關河又耳目大懸難
臥到夜雨更臥藥俾吳書書齋對然性亦涼風
齒牙搖動鬢毛疎四壁蕭然臥艸廬急雨聲酣
戰叢竹孤燈焰短伴殘書壯心未減從戎日苦
學猶如覓舉初自笑堅頑誰得似同儕大半已
丘墟氣神斷絕不自體部又對文滌然却作
良苦乙卯重五賣酒向憂朝餘既取真卧具林
重五山村好榴花忽已繁粽包分兩髻艾束著
危冠舊俗方儲藥羸軀亦點丹日斜吾事畢一
笑向杯盤

白首夏夜風雨極涼枕上口占

北窗八尺臥文藤夜雨生涼洗鬱蒸裊裊清愁
縈斷角悠悠孤夢伴殘燈羸軀垂老嗟焉往公
論猶存似可憑聊向斯文圖不朽未甘粥飯學

山僧

半世窮居

切有詩集

半世俵俵信所之窮居仍抱算年悲燒金術誤
 囊衣薄種黍年凶酒味醜大厦萬間空有志後
 車千乘更無期掩書常笑城南杜麻屨還朝授
 拾遺自欲效成裝半刻難歸盡亦知無計公
 北窗思蜀相文瀾交雨坐忘食
 白首躬耕遇游饑江南自笑欲疇依凌煙勲業
 無人許濯錦園林有夢歸心似遊僧思遠適身
 如敗將陷重圍客來彊欲相寬釋每說人生七

十稀

五月二十三夜記夢

夜漏欲盡雞初唱夢到神仙信非妄泉流直春
 碧澗底松根橫走蒼崖上徐行林際遇飛橋峭
 壁驚濤臨萬丈非惟履嶮足蹠蹕已覺處憂神
 悄愴空巖滴乳久化石寶蓋珠瓔紛物象鬼神
 慘澹疑欲搏龍蜃蜿蜒誰敢傍長眉老仙藥白
 雲握手授我綠玉杖三生汝有世外緣一念已

斷塵中障雖云曩事不復憶憐汝瞳子神猶王
何須更待熟金丹從我歸哉住崑閩

送葉尚書

曩歲榜扁舟萬里歸自蜀五月下瞿唐六月過
浮玉於時始識公一笑忘暑羽扇臨清流華
觴跋紅燭一別十五年去日如電速孤生晚還
朝歛退慙陸陸要津非所冀見公心自足斥歸
又七載衰病將就木造物哀其窮公來位嶽牧
每見語諄諄與世異寒燠聖朝方急賢登用及
釣築如公實舊德顧豈待夢卜初聞一札下已
報四輩趣懸知新天子虛懷須啓沃願公論其
大始爲天下福卽宜垂拱麻寧復摛文宿

路傍曲

冷飯雜沙礫短褐蒙霜露黃葉滿山郵行人跨
驢去

大道南北出車輪無停日彼豈皆奇才我獨饑
至夕

淒涼路傍曲朱門人不知秋街槐葉落正是斷

腸時

贈汪叔潛

火雲嵯峨如壘嶂百病攻衰非一狀低簷小屋
桑竹村忽辱君來問亡恙蹶然攬衣起闖門裹
飯仍煩遠相餉歲饑野外無供給羞澀餘糧不
盈盎我守此窮三十年尙恐死前無力量君誠
不以老棄予苦語見規宜勿讓

出遊

莫笑衰殘百不能一枝筇杖捷飛騰山空野火
焚秦篆日澹煙蕪遍禹陵小浦漲潮迎釣艇疎
鐘出谷送行僧踟躕不覺歸途晚村落人家已
上燈

士

谷

日

...

出

...

...

...

劍南詩彙目錄

卷第三十三

立秋後四日雨 夙興 存養堂為汪叔

潛作 感答二首 病稍平示兒輩 野堂

四首 七月下旬得疾不能出戶者十有八

日病起有賦 夢有餉地黃者味甘如蜜

戲作數語記之 秋夜二首 病起憊甚有

歎 小舟晚歸二首 夜坐 幽事 病後

士

谷與百斛湖國不覺歸念與林客人家

春日驚野燕飛出窠小窗新曉

每與百不計一井落井對須

出遊

以法華寺詩語具時直

盜盜劫劫劫劫二十半尚恐

劍南詩彙卷第三十二

劍南詩彙目錄

卷第三十三

立秋後四日雨 夙興 存養堂為汪叔

潛作 感答首二 病稍平示兒輩 野堂

首四 七月下旬得疾不能出戶者十有八

日病起有賦 夢有餉地黃者味甘如蜜

戲作數語記之 秋夜首二 病起憊甚有

歎 小舟晚歸首二 夜坐 幽事 病後

衰甚非籃輿不能出門感歎有賦 秋思

題村店壁 病去 白首 書病 舍

北晚眺首二 夜閱篋中書偶得李德遠數

帖因思管相從時所言後多可驗感歎有

作 登東山 貧樂 乙卯重九 縱步

近村 題齋壁 范參政挽詞首二 病後

往來湖山間戲書 秋夜遣懷 初冬暄

甚 贈湖上父老十八韻 初冬感懷

讀杜詩 記九月三十日夜半夢小舟

遊近村捨舟步歸首四 蜀僧宗傑來乞詩

三日不去作長句送之 羲農 冬夜不

寐 十月 讀易首二 聞雁 悲歌行

村飲 鏡湖西南有山曰外山民某氏居

之其居少西小潭受飛泉群山環合真異

境也為作短歌 十月十七日子生日也

孤村風雨蕭然偶得絕句予生於淮上是

日平旦大風雨駭人及予墮地雨乃止首二

遊山舟中遇風雨戲作十一齒動搖似

不可復畱有感 山行 老學菴 枕上

偶成 舍北閒望作六字絕句 題菴壁

首二 縱筆 首三 十月二十八日夜雞初鳴

時夢與數女仙遇其一作詩示予頗哀怨

如人間語惟末句稍異予戲之曰若無此

句不可為神仙矣其一從傍戒曰汝當勿

忘此規作詩者甚有愧色予頗悔之既覺

賦兩絕句以解嘲 山行首二 貧甚作短

歌排悶 過張王行廟 秋月曲 卽事

悲歌行 讀李泌事偶書 晨起 喜

雨 閒趣 自警 雨後首二 窗黑 雨

止行至門外戲作 野飲 雨夜有懷張

季長少卿 雨中熟睡至夕首二 憶答

燈下看梅 程泰之尚書挽詞首二 雨夕

獨酌書感 白首 客言來自上臯道中
以其語作一絕 睡起

劔南詩彙目錄

卷三十
三終

劔南詩彙卷第三十三

立秋後四日雨

天爲新秋故作涼
海風吹雨入虛堂
涼生庭樹陰陰綠
澗襲簾衣浥浥香
杯泛鵝兒供小歡
碓舂雲子喜新嘗
一年又見星橋近
未信仙家日月長

林和風興來
老眼無眠覺夜長
攬衣不復待窗光
明星漸淡

避初日秋露已濃生曉涼出艸幽花紅紫雜穿
林啼鳥去來忙是中有趣君知否喧寂年來已
兩忘

存養堂爲汪叔潛作
絳帳先生見處別少年立節如冰雪胸中凜凜
萬卷書一字不爲庸人說存心養性以事天人
知不知渠晏然寤經日夜廢寢飯不怕諸生嘲
腹便三旌五鼎俱忘思想致一工夫在存養我今
老病死卽休未死尙欲從公講

感答

三著朝冠入上都黃封頻醉渴相如馬慵立仗
寧辭斥蘭偶當門敢怨鋤富貴尙思還此笏衰
殘故合愛吾廬燈前目力依然在且盡山房萬
卷書

又

五丈原頭秋色新當時許國欲忘身長安之西

過萬里。北斗以南惟一。人往事已如遼海鶴餘年空羨葛天民。腰間白羽凋零盡。却照清溪整角巾。

病稍平示兒輩

人與鴉俱曉。天憑雁送秋。極知生意盡。彊爲汝曹留。藥餌傾殘橐。風霜迫故裘。倚屏搔短髮。且復寄悠悠。

野堂

野堂蕭颯雪侵冠。歷盡人間行路難。病馬不收煙艸暝。孤桐半落井牀寒。長瓶濁酒猶堪醉。敗篋殘編更細看。此興不隨年矣老。未容城角動憂端。

又

姓名無復世人聞。靜處何妨獨策勲。久矣不堪東閣客。歸哉無媿北山文。橫林霜近有丹葉。平野雨餘多斷雲。更喜鷓鴣來漸熟。一溪煙水與

中分

東閣又

野堂地僻無車馬

儲舊粟玉川終老抱遺經

友寥寥欲旦星賴有吾兒堪暖眼

燈青

又

鼓缶酣歌樂太平野堂窗戶極疎明

愚無用謝客新緣病有名閒入鄉人賽神社時

從長者放魚行驩然更有關心處打稻家家趁

晚晴

七月下旬得疾不能出戶者十有八日病

起有賦

秋風吹海氛氣候頗不令昏昏七十翁擾擾半

月病著書殊未成即死目不瞑扶持賴藥物僅

得全性命雨添苔暈青風入桐枝勁淡巷無人

聲搯頤發孤詠

夢有餉地黄者味甘如蜜戲作數語記之
有客餉珍艸發奩驚絕奇正爾取嚼齧炮製不
暇施異香透崑崙清水生玉池至味不可名何
止甘如飴兒稚喜語翁雪頰生黑絲老病失所
在便欲棄杖馳晨雞喚夢覺齒頰餘甘滋寄聲
山中友安用求金芝

秋夜

燈欲殘時酒半消斷碁疎雨共無慘老來萬事
渾非咎惟有詩情似灞橋

又

夜雨淒涼客思迷聞碁却是夢回時人人解說
悲秋事不似詩人徹底知

病起憊甚有歎

殘年迫衰謝一病不枝梧書倩傍人讀行須稚
子扶冥心付天地畢世釣江湖無米博佳傳虛

名那可圖
扶病尋溪友
忘憂泛釣槎
渚寒無宿鷺
月白有啼鴉
敗壁青燈暗
幽窗稚子譁
無生未暇說
且復議桑麻

又

秋晚吾廬好
柴門映斷山
潮生魚箔短
木落雉媒閒
繚堞蒼茫外
漁舟浩蕩間
客來常謝病
老

鈍耐嘲訕

夜坐

老眼清無寐
孤懷默自傷
思人交舊盡
撫事歲時長
籬犬吠殘月
江楓凋早霜
放翁殊耐事
掩卷撥爐香

幽事

老夫病起日
支離幽事關心
只自知社近
隣翁餽新釀
客歸童子拾殘
碁功名已付來
生了筆

金百言
六
墨尤非晚歲宜餘習可憐除未盡移花引水伴
兒嬉

病後衰甚非籃輿不能出門感歎有賦

酒興詩情尙自如形骸可怪頓成疎平生只倚
雙鳧鳥此日常須一鹿車寂寂豈惟慙鄧禹厭
厭更覺類曹蜍晚窗弄筆聊湔袂數首清詩手
自書

秋思

人生四十歎頭顱久矣心知負壯圖未死皆爲
閒日月無求儘有醉工夫風凋木葉流年晚秋
入窗扉病骨蘇信步出門湖萬頃季膺不用憶
尊鱸

題村店壁

五十年來命壓頭卽今殘髮不禁愁亂鴉陣起
霜天晚落葉聲乾古渡秋小市歡醜聊兀傲長
亭秣蹇得遲畱一身自處窮如許幸是無因爲

國謀
病去
憑闌玉粒炊粳軟香塵搗藥殘欣然顧兒輩燈
下語團樂

白首

白首稱祠吏清時作幸民招呼林下客遊戲夢
中身山路烏騾穩煙波画檝新村村有花柳無

事卽尋春

書病

乙卯七月二十二日臥病兩旬始平九月二日作此詩

算年雖病不甚劇啜藥嗽粥猶自力今年七月
風眩作兒子在前不能識杯中藥冷呼不醒全
家相顧無人色昏昏但思向壁臥蟲臂鼠肝寧
暇恤醫巫技殫欲斂手天高鬼惡吁莫測偶然
得活出望外扶杖下牀猶屢踣讀書心在目力
短袖手堅坐到窗黑無功祿食四十年歎息此

責何由塞坐窗窗黑無衣無食四十年煖息此

野舍北晚眺於不林餘暑欲盡書心耳目

紅樹青林帶暮煙竝橋常有賣魚船樊川詩句

營丘画盡在先生拄杖邊向望烟波習習翠

風却又凉千拜而不歸海味中樂今知不顯全

日日津頭繫小舟老人自嬾出門遊一枝筇杖

疎籬外占斷千巖萬壑秋

夜閱篋中書偶得李德遠數帖因思答相

從時所言後多可驗感歎有作

早歲傳聞月旦評殿門邂逅眼偏明當時一坐

推談止今日叢林見話行老臥煙村身偶在夜

開蠹紙淚如傾豈知三十餘年後河洛胡塵訖

未平予送德遠歸臨川詩有盱食煩明主胡沙暗舊京之句頗為前輩所稱時紹興辛巳

也春

登東山

漆園傲吏養生主栗里高人歸去來俱作放翁

初南詩集 卷之卅三 及古閣

新受用不妨平地脫塵埃松崖壁立臨樵塢竹
徑虵蟠上獻臺送盡夕陽山更好與君踏月浩
歌回

未平貧樂

蕭然曲肱地自號直心翁

淨名書云直心是道場

拙宦三

災過勞生一笑空新蔬經雨綠晚稻得霜紅飽
食真無事浩歌明月中

乙卯重九

九日村醅熟逢迎不用呼樽前狂起舞陌上醉
相扶殘髮新霜白衰顏落葉枯明年何足問且
復插茱萸

太平縱步近村

病去身輕試杖藜滿村麴麥正離離照溪自歎
尚微瘦趨渡人言殊未衰艸塞瓶頭沽濁酒花
簪笠頂引群兒裹回不恨歸差晚正愛青燈映
竹籬

題齋壁

看盡人間利與名歸來始覺此身輕禍機不敗
漁舟興樂事渾輸地確聲破篋雖無衣可典寒
畦已有芋堪烹餘年且健貧何害剩與隣翁醉
太平

范參政挽詞

屢出專戎閫遄歸上政途勲勞光竹帛風采震
羌胡籤帙新藏富園林勝事殊知公僊去日遺

恨一毫無

又

孤拙知心少平生僅數公凋零遂無幾遲暮與
誰同瓊樹世塵外神山雲海中夢魂寧復接慟
哭向西風

病後往來湖山間戲書

周公居東三食新夷吾在魯丘尼陳聖賢憂患
尚如此況我本是羈窮人今秋危病輒不死餘

業自笑堅頑身結茅所幸得佳處石帆天鏡無
 纖塵捫蘿峭壁上采藥腰斧長歌行負薪尋僧
 獨泛若耶月攜友共采湘湖蓴蠡亡範金陋勾
 踐斯頌刻石憎羸秦不如一酌禹祠去惡衣菲
 食真吾鄰

禹祠在吾廬
東南十餘里

秋夜遣懷

六年歸臥水雲鄉本自無閒可得忙。羸病豈知
 身尚健。迂疎真與世相忘。霜清水落年華晚月
 黑梟鳴夜漏長。瑣瑣井蛙何足計。一篇秋水笑
 蒙莊

初冬暄甚

吳中十月雪霜慳風景暄妍葉未殷杲日還看
 浴東海薄雲不解冒南山蛙鳴閣閣荒池曲蠅
 出營營食案間安得玄冥正時令紅爐綠酒一

開顏

贈湖上父老十八韻

一鏡三百里環以碧玉峯天公賜我厚極目爲
提封煙收見石帆雨霽望臥龍嵯峨寶林塢迢
遞天章鍾興來思一出霜晴及初冬父老捨杖
迎衣冠頗嚴恭語我相識久幸未棄老農間者
傳伏枕喜聞足音寔貧舍有盤飧勿責異味重
麪甃新油香黍酒甕面濃已遣買撲握亦可致
噉喁願公領此意秣蹇聊從容我起爲太息厚
意敢不從吾生行逆境平地九折叩況今又老
退如子豈易逢但願從今健衰疾緩見攻遇興
卽扣門艸具煩炊春但恐藥月來妨子睡味濃

初冬感懷

落葉掃還積斷鴻飛更鳴羸軀得霜健老眼向
書明水瘦河聲壯萁枯馬力生竟爲農父死北
首負功名庭燕失故綠園樹染新丹病息閒支
枕詩情獨倚闌帶移頻覺瘦貂弊不禁寒惟有
牆陰薺離離又滿盤

是五律兩首
誤合爲一

蘇詩讀杜詩

城南杜五少不羈意輕造物呼作兒一門酣法

到孫子熟視嚴武名挺之看渠胷次隘宇宙惜

哉千萬不一施空回英槩入筆墨生民清廟非

唐詩向今天開太宗業馬周遇合非公誰後世

但作詩人看使我撫几空嗟咨直為少陵稱屈足令千古魄動

嗚呼記九月三十日夜半夢

一夢邯鄲亦壯哉沙堤金轡絡龍媒兩行画戟

森朱戶十丈平橋夾綠槐東閣群英鳴珮集北

庭大戰捷旗來太平事業方施設誰遣晨雞苦

喚回

小舟遊近村捨舟步歸

數家茅屋自成村地確聲中晝掩門寒日欲沉

蒼霧合人間隨處有桃源

又

借得漁船泝小谿繫船浦口却扶藜莫言村落

初月詩集

金剛詩集 十四
蕭條甚也勝京塵沒馬蹄口味未藥莫言林密

又

不識如何喚作愁東阡南陌且閒遊兒童笑道
先生醉折得黃花插滿頭

又

斜陽古柳趙家莊負鼓盲翁正作場死後是非
誰管得滿村聽說蔡中郎

蜀僧宗傑來乞詩三日不去作長句送之

看遍東南數十州寄船却泝蜀江秋孤雲兩角

山亡恙斗米三錢路不憂今年所在皆大稔萬里得詩

長揖去它年挈笠再來不放翁爛醉尋常事莫

笑黃花插滿頭

義農

義農去不反釋老似而非太息眾皆醉逝將誰

與歸經時忘肉味盡日掩柴扉安得同心者燈

前語造微

初南詩集

卷之卅三

及古詩

前時冬夜不寐

老眼睡眠少空村霜露淒
錚錚聞叩鐵喔喔數
鳴雞月入知窗破衾單
幸屋低明晨炊米盡吾
起不容稽

癸亥十月

塞向傾書櫃開爐積豆
其林居得溫暖天遣養
衰遲甕盎藏蔬後鉏耰
下麥時農家冬最樂我
老頗能知

讀易

羸軀抱疾時時劇白髮
藥衰日日增淨掃東窗
讀周易笑人投老欲依
僧

士以又

老喜杜門常謝客病惟
讀易不迎醫冬來更愧
乖慵甚醉過收蕎下麥
時

聞雁

霜高木葉空月落天宇
黑哀哀斷行雁來自關

塞北江湖稻梁少念汝安得食蘆溪洲渚冷歲
晚霰雪逼不知重雲外何處避畢弋我窮思遠
征羨汝有羽翼寄不交却

悲歌行

士如天馬龍為友雲夢胷中吞八九秦皇殿上
奪白璧項羽帳中撞玉斗張綱本不問狐狸董
龍何足方雞狗風埃蹭蹬不自振寶劍牀頭作
雷吼憶遇高皇識隆準豈意孤臣空白首即今
埋骨丈五墳骨會作塵心不朽胡不為長星萬
丈掃幽洲胡不如咎人圖復九世讎封侯廟食
丈夫事齷齪生死真吾羞

村飲

吳中實霜晚冬艸有未衰坐令老病叟遂失凋
年悲翩翩烏紗帽裊裊殘菊枝雖無車馬客時
與鄰翁期新醅壓尚渾雉兔亦及時自覺勝淵
明但醉不賦詩

鏡湖西南有山曰外山民某氏居之其居
與少西小潭受飛泉群山環合真異境也爲
平遠作短歌

漢東九十九重岡武都九十九脉泉豈如君家
環翠阜小潭珮玦聲鏘然我欲從君乞菴地開
軒不看泉中天金丹九轉太多事服水自可追
飛仙雲孫相遇不相識笑問塵世今何年掬泉
弄月清歛罷却折玉井秋風蓮

十月十七日予生日也孤村風雨蕭然偶
得二絕句予生淮上是日平旦大風雨駭
人及予墮地雨乃止

少傅奉詔朝京師檣船生我淮之湄宣和七年
冬十月猶是中原無事時

又

我生急雨暗淮天出沒蛟鼉浪入船白首功名
無尺寸茅簷還聽雨聲眠

無久遊山舟中遇風雨戲作

龍驤萬斛去如鴻巨浪惟能窘短蓬不是山靈
嫌俗駕一生常值打頭風

一齒動搖似不可復畱有感

晚境常憂豁可憎苦畱終不受丁寧主貧何恨
客辭去木老元知葉自零未害朶頤臨肉俎但
妨叩齒讀仙經從今有酒須勤買莫學騷人要
獨醒

山行

老翁七十亦何求尚賴山行散百憂
新小疾獨轅車穩正閒遊酒旗滴雨村塲晚
茶竈炊煙野寺秋若論人間長久事高吟何啻傲
封侯

老學菴

予取師曠老而學如秉燭夜行之語名菴

窮冬短景苦恩忙老學菴中日自長名譽不如
心自肯文辭終與道相妨吾心本自同天地俗

學何知溺粃糠已與兒曹相約定勿為無益費
年光

枕上偶成

放臣不復望脩門身寄江頭黃葉村酒渴喜聞
疎雨滴夢回愁對一燈昏河潼形勝寧終棄周
漢規模要細論自恨不如雲際雁南來猶得過
中原

舍北閒望作六字絕句

潘岳一篇秋興李成八幅寒林舍北偶然倚杖
盡見古人用心

題菴壁

竹間僅有屋三楹小菴纔兩間雖號吾廬實客亭已

斷雨聲重點滴欲殘燈影更晶熒酒惟排悶難
中聖茶却名家可作經頭眩減來還病蹇何時
徹底得康寧

身似蝸牛麤有廬却緣無用得安居地爐封火
欺寒雨紙閣油窗見細書麪熟山僧分餽飴船
來溪友餉薪樗閉門莫笑衰頰甚讀易論詩亦
未疎
六言縱筆
老眼輕千藥枯腸却八珍直令身潦倒未害膽
輪囷酒裏遺浮世書中見古人平生笑園綺老
蹋帝城塵

又

壯歲志天下崎嶇無一施高談對隣父朴學付
癡兒補柵憐雞冷分糧憫雀饑吾生忽至此惆
悵鏡中絲

又

天道何時定人生固有涯壯年行出塞晚歲病
還家積憤憑誰豁孤忠祗自嗟今朝茅屋底隱
約聽霜笳

十月二十八日夜雞初鳴時夢與數女仙
遇其一作詩示予頗哀怨如人間語惟末
句稍異予戲之曰若無此句不可爲神仙
矣其一從傍戒曰汝當勿忘此規作詩者
甚有愧色予頗悔之旣覺賦兩絕句以解

嘲

玉姝眉黛翠連娟弄翰閒題小碧牋人世愁多
無著處故應分與藥宮仙

又

虹作飛橋蜃吐樓群仙來賦海山秋玉姝定自
多才思更與人間替說愁

山行

緣崖曲曲羊腸路傍水疎疎麕眼籬舉起短鞭
成一笑吾詩正是策勲時

又

眼邊處處皆新句塵務經心苦自迷今日偶然

親拾得亂松深處石橋西

貧甚作短歌排悶

閒何闊逢諸葛畏人常憂不得活事不諧問文
開不踢權門更可哀卽今白髮如霜艸一飽茫
然身已老惟有躬耕差可爲賣劔買牛悔不早
年豐米賤身獨饑今朝得米無薪炊地上去天
八萬里空自呼天天豈知

過張王行廟

烈士生不遇栖栖爲旅人英魂死不沒凜凜爲
明神明神受帝命廟食福我民牲酒何足言壓
抑姑少伸火旱千里赤與人下雷雨澤水不反
壑談笑出平土善人錫之福姦僞亦擊汝豈若
世上人吞聲氣如縷

秋月曲

舊時家住長安城萬戶千門秋月明紫陌朱樓
歌吹海酣宴不覺銀河傾受降城頭更奇絕莽

蘇詩集 卷之十三
莽平沙千里月選兵夜出打番營鐵馬蹴冰冰
欲裂塞月未落成回腰鼓橫笛如春雷長安
高樓豈不樂與此相去何遠哉丈夫志在垂不
朽漆胡骷髏持飲酒舉頭雲表飛金盤痛飲不
用思長安

卽事

蕭騷白髮滿綸巾猶是人間詩酒身湖上悲秋
新有作眼邊敗意絕無人稻梁栖畝雁初下煙
水粘天鷗自馴堪笑推移成老大時時几杖接
鄉鄰

悲歌行

感槩常自悲發爲窮苦辭偏仄不少伸夢中亦
酸辛脂車思遠道太息令人老中原宋輿圖今
乃傳胡雛此責在臣子諸公其可已談笑復舊
京令人憶西平

讀李泌事偶書

莘渭當時已誤來
商山芝老夏堪哀
人生若要常無事
兩顆梨須手自煨

晨起

晨起梳頭嬾披衣
立艸堂霧昏全隱樹
氣暖不成霜
灘急回魚隊
天低襯雁行
新春猶一月
已覺日微長

喜雨

一秋未雨冬未雪
坐使肺肝生客熱
不惟裘褐藏篋笥
臥毯坐氈俱未設
樽中有酒不敢嘗
小甕黃虀却時啜
新春距今一月爾
便恐蝗生殘宿麥
天公老手真可人
夜雨蕭蕭洗旱塵
北風吹雪定不晚
喜入三山湯麩椀

閒趣

堅閉門來又過冬
一裘且復擁龍鍾
不辭陋巷如漿冷
自愛新醅似粥醲
迎婦橋邊燈煜煜
賽神林外鼓鼙鼙
豈惟自得閒中趣
要遣兒孫世

作農

自警

人生非金石壽夭不自知一日復一日亦或至
耄期方其未死間早夜勿自欺嗟彼陷溺者太
山起毫釐努力戒惰偷堯舜可庶幾我今齒髮
弊彊健復幾時一寸學古心自視猶可爲雞鳴
推枕起爲善亦孳孳天定終勝人吾世或未衰
素業果有傳三復吾此詩

雨後

鏡湖歸隱老黃冠布褐蕭然一室寬燈影青熒
人未睡雨聲點滴夜將闌四朝出處朋儕盡半
世漂流骨相寒青史無名端可恥著書畱與後
人看

又

蕭蕭殘髮雪侵冠冉冉清愁用底寬把卷昏眸
常欲閉投牀睡興却先闌惟須酒沃相如渴未

分人哀范叔寒雨霽定知梅已動佩壺明日試
尋看

窗黑

風雨窗常黑衰翁罷讀書縱橫慙七略廢惰失
三餘宴坐工夫熟多聞習氣除韓公未解此誤
謂腹空虛

雨止行至門外戲作

簷雨收殘滴溪雲弄晚晴出門還浩歎幾屐了

吾生

野飲

綠岸波生染翅塵碧天雲細蹙魚鱗山居剗得

舒長日野飲自無拘忌人元結詩云坐無拘忌人勿限醉與醒酒

甕石邊孤店晚樵風溪畔早梅春懷章正可驚
奴輩未勝行歌獨負薪

雨夜有懷張季長少卿

放翁雖老未忘情獨臥山村每自驚鼎鼎百年

如電速寥寥一笑抵河清
梅初破藟行江路燈
欲成花聽雨聲正用此時
思劇飲故交零落愴
餘生

雨中熟睡至夕

擁爐聽雨生睡思
澀眼曹曹惟欲閉
丈夫少壯
要自力飽食養慵真
可媿我今不睡欲何爲
常
恐兒曹落吾事
蠻氊紙帳方施行
五鼎八珍無
此味

又

少陵今雨無客至
寂寞衡門晝常閉
孝先酣枕
夢周公弟子雖嘲可無媿
世上紛紛榮辱多不
如睡中差省事
小兒忽報煎茶熟
起擁寒爐究
餘味

憶筓

憶筓輕裝萬里行
水郵山驛不論程
屢經漢帝
燒餘棧曾宿唐家雪
外城壯志可憐成
昨夢殘

年惟有事春耕西窗忽聽空階雨獨對青燈意
未平

燈下看梅

風雨經旬怯倚闌梅花折得就燈看有情應寄
去年別無寐不禁清夜寒病起搯筇幽興在春
遲載酒後期寬籬東數樹尤奇絕日遣蠻童候
路乾

程泰之尚書挽詞

文古唐元結經明漢仲舒三朝八座貴千載九
丘書早接遊從末常聞議論餘死生今永訣追
恨寄聲疎

又

咎在紹興末同趨行殿門方思尋宿好忽已奉
遺言誅行曲臺議飾終明主恩高皇舊朝士今
復幾人存

雨夕獨酌書感

數掩蘆藩常不開
饑鴉兩兩啄青苔
雨來十日未成雪
歲盡一枝初見梅
池上晚行攜獨鶴
燈前夜酌撥新醅
漁村老景今如許
駿馬舊遊安在哉

白首

白首元無一事成
朝來大笑絕冠纓
花飛早已知春減
漏盡寧容夏夜行
蕭散且爲無算飲
猖狂未免不平鳴
玉關青海今安在
麥野桑村送

此生

客言來自上臯道
中以其語作一絕

日曬霜融作淺泥
酒家却在斷橋西
五陵今代無豪俠
獨臥茅簷聽午雞

睡起

老怯年華速
閒知晝漏長
已回酣枕夢
未過古
匳香洗面宮
眉綠開茶帶
胯方山家風味在
雖
病意差彊

燕意羞慙

酒香試面宮會絲開茶帶粥六山寒風和耳難

多海軍華想開快書讀吳日回酒淋夢未醒古

御賦

無豪功賞人草齋離千樂

日即言謂細小數里際際參時時西五湖今為

客言來自一筆畫中以其語非一語

劍南詩彙卷第三十三

劍南詩彙目錄

卷第三十四

歲暮 殘臘

二首

一壺歌

五首

屬疾

新

歲 早春

太古

春夜

正月六日作

寄題吳斗南翫芳亭

春初驟暄一夕

梅盡開明日大風花落成積作

三首

讀老

子傳

示元用

春思

春望

丙辰上

元前一日

夜雨息栝蒼遊

春陰

寒

夜歌 正月十六日園中偶賦 陵霄花

懷舊首六 夜坐 入城舟中作 寓蓬

萊館 過能仁光孝寺欲訪昕老會府中

速客遂不果入 夜二鼓留西城門歸三

山 讀杜詩 蘇韜光節推挽歌詞 村

翁 寄子布 落花 南窗 排悶 過

隣家戲作 看花 閒趣 春盡遣懷

二友 半丈紅盛開 感事首四 豐年行

四月一日夜漏欲盡起坐達旦因蓬萊

行 馮縣丞挽歌詞 幽居初夏首四 出

蜀十九年故交零落殆盡慨然有作 憶

天彭牡丹之盛有感 五月七日夜夢中

作首二 急雨 夜中步月 晨起 枕上

聞布穀聲 雨夜 焚黃 卽事 失鷓

鴝 贈童道人 蓋與予同甲子之上方銛

老求宿蘆詩宿蘆蓋所寓室名以其似漁

舟也 夜坐園中至夜分 六月二十四
日夜分夢范至能李知幾尤延之同集江
亭諸公請予賦詩記江湖之樂詩成而覺
忘數字而已 晨起 村飲示鄰曲 醉
歸 二愛 并序 蜻蜓浦 題韓運鹽竹隱
堂 三首 哭杜府君 初秋夜坐 宴坐自
午至暮 舟中詠落景餘清暉輕橈弄溪
渚之句蓋孟浩然耶溪泛舟詩也因以其

句爲韻賦詩 十首

劍南詩彙目錄

卷三十四終

劍南詩彙卷第三十四

歲暮

案間官曆喜夏端鬢畔羅幡巧耐寒節辣擣香
 筍臘酒染紅絲綠簇春盤衰容未覺餘年迫佳
 日猶思一笑歡太息兒童癡過我鄉儻雖陋亦
 爭看
 向酒殘臘
 破臘春先到微陰日易曛鳥聲猶寂寂木意已

欣欣雲起山分疊風生水感紋斷腸何處笛偏
向醉中聞殘臘無多日吾生又一年林塘明夕
照墟落淡春煙山色危欄角梅花綠酒邊歲時
元自好老病獨悽然良重歲時非醉難離國亦
悠悠日月沒根株常在人間醉一壺傾倒欲空
還澹灑不曾教化不曾沽

先生醉後卽高歌千古英雄奈我何花底一壺
天所破不曾飲盡不曾多

又
自從軒昊到隋唐幾見中原作戰塲三十萬年
如電掣不曾記得不曾忘

又
恥從嶽牧立堯庭況見商周戰血腥攜得一壺
閒處飲不曾苦醉不曾醒

此本五言律二首
誤作一首可笑也

雲起山分疊風生水感紋斷腸何處笛偏
中闐殘臘無多日吾生又一年林塘明夕
斯壑落淡春煙山色危欄角梅花綠酒邊歲時
元自好老病獨悽然兒童變面非秋滿華國衣
一壺歌
悠悠日月沒根株常在人間醉一壺傾倒欲空
還湫灑不曾教化不曾沽

先生醉後卽高歌千古英雄奈我何花底一壺
天所破不曾飲盡不曾多

又

自從軒昊到隋唐幾見中原作戰塲三十萬年
如電掣不曾記得不曾忘

又

恥從嶽牧立堯庭況見商周戰血腥攜得一壺
閒處飲不曾苦醉不曾醒

長安市上醉春風亂插繁花滿帽紅看盡人間
興廢事不曾富貴不曾窮

屬疾

白頭屬疾臥丘園藥物枝梧且僅存月黑淺山
聞鵬嘯窗明高樹送鴉翻讒欺薄命淡消骨憂
集窮途黯斷魂回視少時真隔世但餘一念在
元元

新歲

風入鞭梢緊春從艸色淡山坡臥新犢園木轉
幽禽勲業少年夢關河遊子心爾來都掃盡濁
酒帶醅斟

早春

數聲屋角聽鳴禽紅糝青梢忽滿林雨過東臯
一犁潤水消南澗半篙淡逢僧竹院閒評藥攜
鶴山村醉擁琴青史功名黃閣貴有時應不到

如今林樾對空青
太古安知處與堯
茹毛飲血自消搖
不須追咎爲書契
初結繩時俗已澆

春夜

老憊生如寄
春寒夢亦孤
燈花時自墜
梟語迭相呼
萬里書難得
三年病未蘇
窗淡不知曉
但覺動林鳥

正月六日作

上天四序分
寒燠以漸相
尋不相瀆
今年立春七日耳
暖景溫風何迫促
群蛙怒鳴蚊蚋出
蚍蜉挿翅飛滿屋
兒童便欲覓團扇
我亦汗垢思湯沐
山坡梅花常恨晚
一夕開盡如雪谷
籬邊已放桃蘂紅
庭下頓長萱芽綠
小人識淺喜欲舞
輕衫冷麤相追逐
春淡癘鬼不貸人
此暖但憂非汝福

寄題吳斗南玩芳亭

北斗以南有吳侯人物知非第二流讀書不放
一字過閉戶忽驚雙鬢秋平生離騷讀千遍屈
泥秭歸要親見歸來落筆愈驚人宋玉景差俱
北面玩芳亭中蘭蕙芳朝回解帶春晝長愛君
憂國有奇作坐令壯觀還沅湘老夫曩亦同此
趣甚欲閒題玩芳句無奈生涯今已別倒壑枯
楠忘歲月

春初驟暄一夕梅盡開明日大風花落成
積戲作
暖逼梅花爛漫開飄零便恐付蒼苔更堪連夜
風如許似妒愁人把一杯

殘梅零落不禁吹真是無花空折枝堪笑老人
風味減三年不作送梅詩

予往歲多有送梅之作今閣筆已累年

年年爛醉萬梅中
吸酒如鯨到手空
花欲過時常惜別
今年此別更怱怱

讀老子傳

巍巍闕里與天崇
禮樂詩書萬世宗
但說周公曾入夢
寧於老氏歎猶龍

示元用

德孫學語已驚人
悶裏時時一笑新
老子已應如櫪驥
此郎端恐是天麟
會看神授如椽筆
莫

改家傳折角巾
汝叔不癡當愛汝
夜窗燈火勉相親

春思

七十老翁身退耕
可憐未減舊風情
典衣取酒那論價
秉燭看花每到明
江浦時時逢畫檝
寺樓處處聽新鶯
此生無復陽關夢
不怕樽前唱

渭城

春望

詩集

天地回春律山川掃積陰波光迎日動柳色向
人淡霑灑憂時淚飛騰滅虜心人扶上危榭未
廢一長吟
丙辰上元前一日
弊裘破帽髮鬢髻宛似山房罷講僧身病不禁
連夜雨家貧只挂舊年燈修椽柳外掀樓角危
檻雲間露墮層自笑閒遊本無定興闌隨處倚
枯藤

夜雨思栝蒼遊

道心退惰如風鷁世念堅彊似火牛安得短篷
湖海去夜淡聽雨琵琶洲

春陰

麴塵柳色正遮門石黛江流曲抱村小院春光
方盎盎遠山雨氣又昏昏傍簷林鳥驚幽夢極
目煙蕪捲燒痕只道餘寒尙如許不知生意滿
乾坤

寒夜歌

陸子七十猶窮人空山度此冰雪晨既不能挺
長劔以抉九天之雲又不能持斗魁以回萬物
之春食不足以活妻子化不足以行鄉鄰忍飢
讀書忽白首行歌拾穗將終身論事憤叱目若
炬望古踴躍心生塵三萬里之黃河入東海五
千仞之太華磨蒼旻坐令此地沒胡虜兩京宮
闕悲荆榛誰施赤手驅蛇龍誰恢天網致鳳麟

君看煌煌藝祖業志士豈得空酸辛二十四年

正月十六日園中偶賦

又向柴荆過上元豪華前事不須論偶逢花發
閒持酒不得人扶嬾出門薄技號山曾獻玉榮
途染指亦嘗鼃年來洗盡東陵夢瓜壟蕭蕭老
故園

陵霄花

庭中青松四無鄰陵霄百尺依松身高花風墮

赤玉盞老蔓煙溼蒼龍鱗古來豪傑人少知昂
霄聳壑寧自期抱才委地固多矣今我撫事心
傷悲

懷舊

鶴鳴山下竹連雲鳳集城邊柳映門當日不知
爲客樂如今回首却消魂

又

駿騾西過雨漫天千里江山在眼邊二十四年

如昨夢憑誰問訊帶柳僊

又

狼煙不舉羽書稀幙府相從日打圍最憶定軍
山下路亂飄紅葉滿戎衣

又

翠崖紅棧鬱參差小益初程景最奇誰向豪端
收拾得李將軍画少陵詩

又

初南詩集

卷之卅四

及古詩

回龍寺壁看維摩最得曹吳筆意多風雨塵埃
昏欲盡何人更著手摩挲

又

蟠冢山頭是漢源故祠寂寞掩朱門擊鮮藉艸
無窮樂送老那知江上村

夜坐

蓬窗夜半竹騷然坐守殘編悄不眠辛苦空成
左傳癖逍遙常媿大慈僊風寧可繫功名誤日
不能黏歲月遷明旦覓船湖上去西村桃李淡
春煙

入城舟中作

擢邊蘸岸接藍水蓬外橫空破墨山更著灘頭
一行鷺此身真在畫圖間

寓蓬萊館

朱門高柳画橋南掠面風埃喜解驂霽日偶逢
春盎盎野人不慣屋潭潭堂中剗喜簪裾集樓

上時聞鼓角酣明發扁舟覓歸路趁時吾欲事
農蠶

過能仁光孝寺欲訪昕老會府中速客遂

不果入

春日城南過寶坊馳驅不得駐車箱高門臨道
淨如拭傑屋凌空勢欲翔齋近鍾魚初送響風
微松檜自生香暫來堪笑忙如許坐羨高人白
晝長

夜二鼓留西城門歸三山

秉炬夜離驛戴星出西關舟人飛画檝門鎖響
銅環漁火明遙浦溪風解醉顏鄰家亦驚起迎
我笑堅頑

讀杜詩

千載詩亡不復刪少陵談笑即追還常憎晚輩

言詩史清廟生民伯仲間

蘇韜光節推挽歌詞

才名京兆掾門閤魏公孫遇事雖骯髒接人終
靜溫寧吟灞橋雪不掃舍人門二妙凋零盡衰

翁慨獨存

韜光與訓直吏部
下世相距三年

村翁

放翁真箇是村翁釣渭耕莘事不同蹴蹋煙雲
兩芒屨憑陵風雪一蓬籠屢經駭浪身終免遍
閱浮漚壽未窮幸有春衣堪換酒道邊醉臥示
神通

寄子布

釣灘耕壟雪盈簪從入新年病至今遠使有書
常灑淚長宵無夢更傷心何由老眼迎歸櫂空
爲秋風感算礎一紙新詩千萬恨臨風悵望獨
長吟

落花

朱朱白白不禁吹老未忘情作許悲瑞錦已殘
猶有夢明霞初散可無詩人應偷樣傳圖本天

亦收香付蜜脾榮悴相尋君看取曉來青子已
團枝白白不羨知冬未忘計新荷悲滿離日空

南窗

身輕婚嫁畢耳靜市朝疎褫帶脫烏幘一窗寬
有餘風想莫學一絲絲藉千萬別調風對空
常賦排悶
白髮無端日日新自憐猶作百憂身孤燈聽雨
常終夜一榼尋花又送春旋壓麥餠邀父老時

分菜把餉比鄰不須頻起陳人歎已是清朝六
世民

過隣家戲作

老脫朝冠岸幅巾時時乘興過比隣併無儲粟
吾猶樂步有新船子豈貧醅甕香浮花露熟藥
欄土潤玉芝新玉芝謂鬼白山家多有之相從覓笑真當勉
又過浮生一歲春

看花

好樹典衣買新花扶杖看村醪雜清濁山果半
甘酸家事貧尤簡詩情老未闌鷓鴣閒似我日
暮立清灘

吾餘閒趣

同儕零落曉星稀久住人間豈自期衰病已成
垂白叟春寒又到牡丹時溪邊喚客閒持釣燈
下畱僧笑覆棋一日轉頭還過却紛紛世事不
須知

春盡遣懷

裊裊爐香晝掩扉殘年真是解塵鞿青飀旋擣
通隣好白葛新裁製暑衣避日小魚穿藻去倚
風輕燕拂簾飛要知名宦非初意三十年前已

念歸

予以乾道乙酉卜築湖
上今三十有二年矣

二友

清芬六出水梔子堅瘦九節石菖蒲放翁閉門
得二友千古夷齊今豈無

半丈紅盛開今豈無

滿酌吳中清若空
共賞池邊半丈紅
老子通神誰得似
短筇到處即春風

感事

雞犬相聞三萬里
遷都豈不有關中
廣陵南幸○詩○
雄圖盡淚眼山河夕照紅

又

堂堂韓岳兩驍將
駕馭可使復中原
廟謀尚出○敢言

王導下顧用金陵為北門

又

渭上晝昏吹戰塵
橫戈慷慨欲忘身
東歸却作漁村老
自誤青春不怨人

又

捫蝨當時頗自奇
功名遠付十年期
酒澆不下胷中恨
吐向青天未必知

豐年行

初南詩集

卷之卅四

及古

南村北村春雨晴東家西家地確聲稻被正滿
綠針密麥隴無際黃雲平前年穀與金同價家
家涕泣伐桑柘豈知還復有今年酒肉如山賽
春社吏不到門人晝眠老穉安樂如登仙縣前
歸來傳好語黃紙續放身丁錢

四月一日夜漏欲盡起坐達旦

春歸不可留斗柄已崢嶸老至不可却雪鬢森
千莖少年所讀書廢忘如隔生舊交死欲盡存
者萬里程高談無與發欲語輒吞聲悠悠一飽
計泯泯千載名逝將山丘歸不見河雒清挑燈
坐待旦攬筆哀涕傾

寫盡老年不如意

蓬萊行

山峭插雲海樓高入煙霄不知何宮殿東望鬱
岌崑是時青童君初散通明朝風濤中破裂涌
出黃金橋授我玉芝房服之塵念消凡骨一朝
換八極坐可超

馮縣丞挽歌詞 鋼字 仲柔

尊公同故里季父接周行晚熹烏衣巷重逢玉
樹郎名流多賞識榮路正騰驤愁絕河梁上風
煙莫莽蒼

幽居初夏

湖山勝處放翁家槐柳陰中野徑斜水滿有時
觀下鷺艸淡無處不鳴蛙籜龍已過頭番筍木
筆猶開第一花歎息老來交舊盡睡餘誰共午

甌茶

又

藤冠艸屨病支離門外紛紛百不知解籜有聲
驚倦枕飛花無力點清池閒思舊事惟求醉老
感流年只自悲綠樹陰中紅練起一團零亂溼
臙脂

又

長歌嫋嫋插秧天小繖翻翻入市船高棟巢乾

初乳燕綠槐陰密已鳴蟬只言末俗人情惡未
廢先生日晏眠推枕起來閒弄筆銅蟾手自挹
寒泉

鬢毛禿盡齒牙疎難受人間折簡呼詩酒本來
無藉在形骸況復不枝梧槐陰漸密能鄣日池
水新生可浴鳧移得太行終亦死平生常笑北
山愚

出蜀十九年故交零落殆盡慨然有作

西遊邂逅得諸君落筆千言酒百分聚散亦知
元有數死生豈料不相聞平羌空憶吟江月小
益何由度棧雲一事與君聊自慰兒曹或可付
斯文

憶天彭牡丹之盛有感

常記彭州送牡丹祥雲徑尺照金盤豈知身老
農桑野一朵妖紅夢裏看

蘇東坡五月七日夜夢中作

征行過孤壘寂寞已千年馬病霜管瘦狐鳴古
冢穿煙塵身欲老金石志方堅零落英雄盡何
人笑著鞭

霜露薄貂裘連年塞上留廬笳青冢月鐵馬玉
關秋振臂忘身憊憑天報國讐諸公方衮衮好
運幄中籌

急雨

急雨清風發土香靈臺如受寶犀涼華胥一枕
遽然覺却聽蟬聲送夕陽

夜中步月

夜半不成寐起尋微月行風生驚葉墮露重覺
荷傾兀兀酒中趣悠悠身後名興闌還掩戶坐
待日東生

晨起

初南詩集

卷之卅四

及古閣

齒豁不可補髮脫無由栽清晨明鏡中老色蒼
然來餘年亦自憺未忍付酒杯抽架取我書危
坐闔復開萬世見唐堯夔龍獲親陪寥寥三千
年氣象挽可回豈以七尺軀顧受世俗衰道在
無不可廊廟均蒿萊

枕上聞布穀聲

老去惟思日月遲更堪青鬢總成絲無端催取
流年去最恨溪頭布穀兒

雨夜

北風吹雨亂疎鐘款款燈花破碎紅孤夢正行
天一握高城俄報鼓三通衰遲空抱屠龍技豪
俊誰收汗馬功但願輿圖早來復白頭敢望起

雲中

孤雲兩角去天一握蓋褒斜道上也

焚黃

啼呼黎棗憶兒時駒隙頻經日月馳早歲已興
風木歎餘生永廢蓼莪詩燎黃恩重空垂泣戴

白身存敢自期足蹇僅能成拜起籃輿歸路不
勝悲

卽事

陶令常耽酒龐翁不出家安貧炊麥飯省事嚼
茶芽地滿浮雛鴨庭荒噪渴蛙詩成賞音絕自
向小兒誇

失鷓鴣

不見池邊整羽衣繞村散覓走群兒卑飛正恐
爲人得徑去何須報我知久憶蘋洲應自喜尙
餘菰米亦堪悲放翁未到忘情處日暮憑欄獨
詠詩

贈童道人蓋與予同甲子

吾儕之生乙巳年達者寥寥窮比肩退士一生
藜藿食散人萬里江湖天忍貧不變我自許挾
術自營君豈然一事尙須煩布策幾時能具釣

魚船

方謀買一小舟未得也

上方銛老求宿蘆詩宿蘆蓋所寓室名以
其似漁舟也

一曲亭前水接天放翁短棹弄風煙宿蘆縱有
江湖趣猶是人間屬釣船

夜坐園中至夜分

岸巾閒倚胡牀坐步履還扶拄杖行漸近秋清
知病減。盡捐世累覺心平。翻翻雙鵲風枝爽熠
熠孤螢露艸明。更欲裴回盡幽興麗譙傳漏報

三夏

六月二十四日夜分夢范至能李知幾尤
延之同集江亭諸公請予賦詩記江湖之
樂詩成而覺忘數字而已

露箬霜筠織短篷飄然來往淡煙中偶經菱市
尋谿友却揀蘋汀下釣筒白菡萏香初過雨紅
蜻蜓弱不禁風吳中近事君知否團扇家家画
放翁

月澹如將曉風清喜近秋
狂吟詞跌宕新沐髮
颼颼桐葉危先墮蟬聲斷
夏邁達生隨處樂自
笑替人愁

村飲示鄰曲

七年收朝迹名不到權門
耿耿一寸心思與窮
友論憶咎西戍日孱虜氣
可吞偶失萬戶侯遂
老三家村朱顏捨我去
白髮日夜繁夕陽坐溪
邊看兒牧雞豚雕胡幸可
炊亦有社酒渾耳熱
我欲歌四座且勿喧
卽今黃河上事殊曹與袁
扶義孰可遣一戰洗乾坤
西酌吳玠墓南招宗
澤魂焚庭涉其血豈獨清
中原吾儕雖益老忠
義傳子孫征遼詔儻下
從我屬索韉

醉歸

十畝春蕪手自犁
瓜牛廬在鏡湖西
禪心每笑彈碁局
道眼長捐刮膜篋
絕食就官分鶴料
無

車免客笑雞栖

頃獨有一竹輿今亦壞矣

旗亭酒賤秋風近

夜夜歸來醉似泥

二夢

并序

陶淵明詩云孟夏艸木長遶屋樹扶疎

衆鳥欣有託吾亦愛吾廬孟東野亦云

遠岸雪難算勁枝風易號霜禽各嘯侶

吾亦愛吾曹予暇日詠二詩有感作二

夢詩

結屋不袤丈著身還有餘破壁作小窗亦足陳

吾書無酒當飲水無肉當飯蔬知止乃不殆此

語良非虛古人造道處正自無絕殊願君勿它

求且復愛吾廬門外秋水淡日曰集鷗鷺是豈

相與期正以同類故殘年過七十朋舊半丘墓

非吾濟世心歎息莫予助人非金石去日如

脫兔三復東野詩獨立悲歲暮

蜻蜓浦

舍北蜻蜓浦新秋偶一來菱絲煙際老芙蓉露
中開漁火明還滅沙禽去却回吾行興無盡舟
子莫相催

題韓運鹽竹隱堂

茂卿字
立道

鄴下王孫今勝流相逢三伏凜生秋未嘗一日
可無竹似是前身王子猷

又

塵埃車馬日駸駸誰解從君一散襟待我清秋

有閒日抱琴來寫萬龍吟

又

靜處知君解策勲爐香裊裊起微雲岸巾不住
尋青士欹枕還應對墨君

哭杜府君

叔高初過我風度何玉立超然眾客中可慕不
待揖入都多賓友伯高數來集質如琮璧潤氣
等芝蘭襲晚乃過仲高午日曬行笠忽忽遽別

去悵望空快悒有如此三高青紫何足拾豈無
 知之者相視莫維繫窮魚雖相憫可媿吐微溼
 亦知尊公賢何止蓋鄉邑向風每拳拳識面真
 汲汲秋風忽聞訃執書歎以泣造門不自決追
 悔今何及又聞著書富手澤溢巾笈哀毀要無
 益遺豪勤綴緝

初秋夜坐

徂歲又如許吾生真若浮露蟬鳴達曉風葉墮
 先秋野迥星辰大天空河漢流胡牀幸亡恙且
 復寄悠悠

宴坐自午至暮

身外寥寥掃怨恩。胸中浩浩納乾坤。飽經世事
 常高枕。慣見人情不署門。孤日夜分生海底。百
 川秋漲泝河源。珥貂碧落從來事。東訪蓬萊不
 足言

舟中詠落景餘清暉輕橈弄溪渚之句蓋

孟浩然耶溪泛舟詩也因以其句爲韻賦

詩

獨鶴還故鄉
巋然但城郭
出門無與遊
所至苦寂寞
裹飯事幽討
此計殊不惡
薄葺宿漁家
蒼煙帶墟落

又

維舟入谷口
信步造異境
隔籬雞犬聲
滿地梧楸影
瓦甑炊香稻
石泉汲新井
人間苦偏仄
夢

此須臾景

又

老圃髮如霜
見客能廢鋤
與坐使之年
自云八十餘
老身六朝民
艸舍數世居
力守遠祖言
一字不學書

又

沿溪得茅店
酒旗出柴荆
杖頭錢已空
一醉何由成
主人語鄭重
手把甕面清
勸我姑小畱
溪

魚亦可烹

又

秦皇酒甕邊古有釣魚磯我來必竟日時挈雙

鯉歸白鷺真可人常先孤棹飛高詠江練句令

人憶玄暉

又

鏡湖三百里風止鏡面平持以照吾心俗塵安

得生散髮鷗鷺間萬事秋毫輕誰能拂東絹寫

我孤舟橫

又

朝發雲根寺暮宿煙際橋冷螢溼不飛潛魚驚

自跳菱船歌裊裊荻浦風蕭蕭平明宿鳥起我

亦理歸橈

又

古祠照滄波老木闕雲洞輕舟不搖檝正用一

風送汲井漱甘液掃榻寓幽夢所恨山未淡城

笳聽三弄水竹空林靜寓幽夢初醒山未與

古風又意或步木閣雲歸野竹不語舞玉田一

禹穴探斷簡樵風泛清溪倒影森松桂避船散

鳧鷖塵中有異境十里青玻瓈高埕忽招人湖

邊日未低

又

溪行已清秋還舍尚殘暑天公為解圍簾櫳過

疎雨青蔬喜小摘紅粒亦新杵一飽坐北軒蘋

花泣煙渚

劍南詩集卷第三十四

